

玉海



040

1000.67

34875

玉海卷第一百七十三

浚儀王應麟伯厚甫

宮室

城上 邊城附

公羊傳城雉者何五板而堵五堵而雉百雉而城  
說文城以盛民也

顓帝城

九域志廣信軍新城高陽記曰本顓帝所造又名伏

龍城開德府 澶州 顓帝城顓帝之所都 帝丘本顓  
帝之墟

左傳凡土功龍見而畢務戒事也火見而致用水昏

正而栽日至而畢。

堯城 舜城 湯城

後漢郡國志河東郡平陽堯都此注晉地道記曰有

堯城說文陶丘有堯城漢高紀注師古曰許謹

說文解字云陶丘再成也在濟陰夏書曰東至陶丘

陶丘有堯城堯嘗居之後居於唐改堯號陶唐氏

括地志堯城在濮州鄆城縣東北十五里汾陰故城

俗名殷湯城在蒲汾陰縣北九里唐會要元和八

年河東節度使張弘靖奏修古舜城從之唐孫樵

有舜城碑博物志禹作三城強者攻弱者守敵者

戰城郭自禹始也 淮南子鯀作九仞之城

### 周城

後漢志右扶風美陽有岐山有周城注杜預曰城在縣西北帝王世記曰周大王所徙南有周原

### 周王城 周城成周 九六城

### 周書

武王克商瞻河洛而歎曰此天室也遂

遷九鼎于郊鄆周公攝政七年二月己未成王在豐

將宅洛邑使太保先周公相宅

史記曰成王在豐使召公復營洛邑如武

工之意周公復卜申視卒營築居九鼎焉曰此天下之中四方之貢道里均作名諸洛諸焉

乃卜

水東瀍水西三月七日庚戌至王城

漢志曰周公致太平營以



為都是 十一日甲寅而成謂之宗周

左傳威二年城哀伯曰武王克

商遷九鼎于洛邑宣三年王孫滿曰成王定鼎于郊 鄆注今河南也武王遷之成王定之

後有大

戎之難至平王即位元年歲在辛未東遷于王城

至

王封其弟於河南王城是為亘公以續周公之官職亘公卒子威公立威公卒子惠公立惠公封少子班

於鞏以奉王號東周惠公而河南惠公自為西周自敬于十年凡一百六十三年至赧王即位之元年歲

在丁未東西周始分治赧王復徙都周凡六十年歲在丙午秦昭襄之元年秦滅東周

作雒解

周公作大邑成周于土中立城方千六百二十丈郭

方七十二里南繫于洛水北因平郊

一作

山以為天

下之大制

博物記曰上城方七百二十丈郭方七十里南望洛水北至陝山左傳襄二十四

年齊人城邾杜預注曰邾王城也穀洛闕毀三官齊

為王城之周語靈王二十二年帝王山紀河南城

西有郊

鄆陌

王城面有三門凡十二門以通十二子禮地

官司門注于

城十二門

南城門曰圍門

見莊二十一年

東城門曰鼎門

北城門曰乾祭

見昭二十四年

每門有塗男子由右婦人由

左車從中央南北之道爲緯途闊十二步王宮當塗

之經左祖右社面朝後市王宮有五門宮有六寢其

內有王后六寢九嬪以下分居之近郊三十里之地

爲明堂以祀天天子祀上帝左巷

昭二十三年子朝入王城次左巷注

近東城

莊宮

二十六年十二月王入莊宮注在王城

帝王世紀太王邑

於岐山之陽西北岐城舊址是也南有周原始改號

曰周

續漢志右扶風美陽有岐山有周城注杜預曰城在縣西北帝王世紀曰云云

王季徙

程文王受命徙都於鄆在今京兆之西

詩築城伊滅作豐伊匹注

漢成溝也箋云文王築豐邑之城大小適與成溝大於諸侯小於天子之制

武王徙都鎬

亦京兆界

及伐紂營洛邑而定鼎焉今洛陽西南洛水北

有鼎中觀是也

又曰東南門九鼎所從入郡國志河南東城門名鼎門

周公相

成王以鄆鎬偏處西方

貢不均

乃使召公卜洛

云云

洛誥卜澗水東瀍水西

注今河南城

又卜瀍水東

注今洛陽

名誥

云云

注規度城郭郊廟朝市之位

處於戊申三月庚戌以衆殷之民治都邑之位於洛

水北今河南城池

疏匠人王城方九里真命又以公成方九里天子城十二里匠人

營國方九里疏鄭異義駁云周亦九里城

史記成王卜居九鼎而周復

都豐鎬至平王乃東徙正義括地志云洛陽故城在

洛陽縣東北二十六里周公所築即成周城也詳見

京輔類

**漢志**

河南郡雒陽縣周公遷殷頑民是爲

成周河南縣故郊郟地周武王遷九鼎周公致太平

管以爲都是爲王城至平王居之初雒邑與宗周通

**封畿**

注師古曰宗周鎬京也方八百里八八六十四

六三十一六爲方百里者六十四雒邑成周也方六百里六

六二二都得百里者百方千里東西長而南北短短長

相覆爲千里至襄王以河內賜晉文公又爲諸侯所

**後漢志**

雒陽摯虞曰古

之周南今周時號成周公羊傳曰成周者何東周也

萬曆丁亥年

監生程應科刊

日

監生程應科刊

也帝王世紀曰成周城東西六里十一步南北九里

一百步晉太康地道記曰城內南北九里七十步東

西六里十步為地三百頃有狄泉在城中左傳僖二

一十二畝有三十六步于狄泉杜預曰城內太倉西南池水或曰本在城外

定九年城成周乃統之晉時此水在東宮西北有上程聚豐故此加為上程河南周公時所城雒邑

也春秋時謂之王城鄭元詩譜曰周公攝政五年成

謂之王城禮大司馬注畿甸卷有長城經陽武到

限也自王城以外五千里為界春秋昭二十六年冬十月天王

密史記蘇秦口西有長城之界春入于成周傳十一月癸酉王入于成周洛陽今二十二

年冬仲孫何忌會晉韓不信齊高張宋仲幾衛世叔

申鄭國參曹莒薛杞小邾人城成周傳秋八月王使

富羊與石張如晉請城成周

注子朝之亂其餘黨在王城故王畏之徙都

成周成周被小故請城之

天子曰昔成王合諸侯城成周以爲東

都崇文德焉今我欲徼福假靈于成王修成周之城

俾成人無勤諸侯用寧螯賊遠屏晉之力也冬十一

月晉魏舒韓不信如京師合諸侯之大夫于狄泉尋

盟且令城成周己丑士彌牟管成周計丈數揣高卑

度厚薄仞溝洫物土方議遠邇量事期計徒庸慮財

用書餼糧以令役於諸侯屬役賦文書以授帥而效

諸劉子韓簡子臨之以爲成命定元年正月城成周庚

寅栽

設板築

城三旬而畢乃歸諸侯之戍七年王入于王

萬曆丁亥年

五

五

監生程應科刊

城

公羊傳仲幾不葺城注若今以草衣城禮諸侯爲天子治城各有分寸漢志以爲不葺城以差次

賦也

晉太康地道記曰王城去洛城四十里城內

南北九里七十步東西六里十步爲地三百頃一十

二畝三十六步陸機洛陽記曰洛陽城周公所制東

西十里南北十三里城上百步有一樓櫓外有溝渠華

延雋洛陽記曰陸機所謂洛陽城卽成周也後漢魏

隋並都于此城東西六里南北九里俗傳亦云九六

城

帝王世紀云初晉合諸侯之大夫于狄泉以成周小不受三都故壞翟泉而廣焉

漢張良

傳山東人勸上都雒陽東有成臯西有殺颺背河鄉

洛其固亦足恃良曰其中不過數百里四面受敵非

用武之國洛陽記曰左成臯右函谷前有伊闕後背

孟津

杜預曰作成周遷殷民以爲京師之東都所

以崇文王之德蓋周公以商之大夫士從武庚叛者未從周化名公既相宅又卜灋水東周公往營之是

謂下都

書謂之東郊

遷殷頑民於周周公親監之周公沒

成王以君陳代之君陳卒康王以畢公代之自平王

避大戎之難東遷洛邑居于王城

玉城卽

更十三王

凡三百六十年至敬王十年歲在辛卯王子朝之亂

其黨多居王城敬王畏之徙都成周

呂氏曰王城

在澗瀍之間下都在瀍水之外成周其總名杜預孔



穎達皆以下都爲成周謂敬王自王城徙都之其說不然左氏未嘗有敬王自王城遷成周之明文第言子朝既逐王入于成周而已 東京賦先王之經邑

掩觀九隩靡地不營玉圭測景不縮不盈總風雨之所交以建王城名伯相宅卜惟洛食周公初基其繩則直萇弘魏舒是廣是極 詳見洛宮 呂溫古東周

城銘文王受命肇興西土周公作洛始會風雨居中正本拓統開祚盛則駿奔衰則夾輔二伯之後時無義聲大夫萇弘言抗其傾坐名諸侯廣崇王城雖微遠猷實被令名立臣之本委質定分爲仁不卜臨義

不問興亡理亂在德非運罪之違天不可以訓

夏官掌固掌修城郭溝池之固頒其士庶子及衆庶

之守設其節噐

兵甲之屬今城門之噐亦然

任其萬民用其材噐

所謂塹築及爲藩落

凡守者受灋以通守政若造都邑則治其

固與其守灋

都邑亦爲城郭

若有山川則因之

若殺噐河漢

考

工記匠人營國國中九經九緯經涂九軌左祖右社

云云

王宮門阿之制五雉以爲都城之制宮隅之制

七雉以爲諸侯之城制城隅之制九雉

云云

注國中

城內也軌謂轍廣乘車六尺七寸旁如七寸凡八尺

是爲轍廣雉長三丈高一丈都四百里外距五百里

王子弟所封其城隅高五丈諸侯畿以外也其城隅制高七丈疏按異義古周禮說云天子城高七雉隅高九雉公之城高五雉隅高七雉侯伯之城高三雉隅高五雉都城之高皆如子男之城高左傳鄭祭仲曰都城過百雉國之害也注侯伯之城方五里徑三百雉故其大都不得過百雉

### 武王鉤陳壘

水經注河南有鉤陳壘世傳武王伐紂八百諸侯所會處尚書所謂不期同時也紫微有鉤陳之宿主兵陣故遁甲攻取之法以所攻神與句陳并氣下制所

臨之辰是以壘資其名

周城朔方 城東方

詩出車王命南仲往城于方出車彭彭旂兆央央天

子命我城彼朔方赫赫南仲玁狁于襄注方朔方近

玁狁之國也朔方北方也朱氏曰今靈夏等州之地

之難除禦戎狄之道守備為本不以攻戰為先也程氏曰城朔方而玁狁

錫王命仲山甫城彼東方注東方齊地古者諸侯之

居逼隘則王者遷其邑而定其居蓋去薄姑而遷於

臨菑也朱氏曰仲山甫奉使築城于齊孔氏曰史

記齊世家獻公元年徙薄姑治臨菑當夷王

之時與毛傳不合毛氏在馬遷之前其言當有據

東 縣抹之喫喫度之薨薨築之登登削屢馮馮百

堵皆興馨鼓弗勝 韓奕溥彼韓城燕師所完實墉

實壑言高其城深其壑 實畝實籍 書費誓甲戌我惟征徐

戎時乃糗糧甲戌我惟築

周公城

史記正義括地志云周公故城在岐山縣北九里邵公故城在岐山縣西南十里此周召之采邑也

楚城沂

左傳宣十一年楚令尹蔣艾獵城沂使封人慮事以授司徒量功命日分財用平板幹稱畚築程土物議

遠邇畧基趾具餼糧度有司事三旬而成不愆于素

### 楚方城

水經注郡國志曰葉縣有方城郭仲產曰因山以表  
名尸子曰楚狂接輿耕於方城盛弘之云葉東界有  
故城始犇縣東至瀨水達泚陽界南北聯聯數百里  
號爲方城一謂之長城云酈縣有故城一面未詳里  
數號爲長城即此城之西隅其間相去六百里南北  
雖無基築皆連山相接而漢水流其南故屈完荅齊  
桓公云楚國方城以爲城漢水以爲池杜預曰方城  
山名在葉南未詳孰是

水經注又云竹書紀年梁惠  
成五十二年龍賈率師築長

城于西

齊長城

史記蘇秦傳長城鉅防正義長城西頭在濟州平陰縣界竹書紀云梁惠王二十年齊閔王築防以爲長城太山記云太山西有長城緣河經太山餘一千里至琅邪臺入海蘇代說燕曰齊有長城巨防

秦趙燕長城

漢匈奴傳秦昭王滅義渠於是秦有隴西北地上郡築長城以距胡趙武靈王北破林胡樓煩自代並陰山下至雲高關爲塞而置雲中鴈門代郡燕破東胡亦

築長城自造陽至襄平置上谷漁陽右北平遼西遼東郡以距胡當是時冠帶戰國七而三國邊於匈奴後秦滅六國始皇詔蒙恬擊胡悉收河南地因河爲塞築四十四縣城臨河徙適戍以充之通直道自九原至雲陽因邊山險塹谿谷起臨洮至遼東萬餘里

年表三十三年築長城河上三十四年築長城又南方越地三十五年爲直道道九原通甘泉

河據陽山北假中頭曼不勝秦北徙諸侯畔秦匈奴得寬復稍度河南與中國界於故塞漢揚雄上書曰以秦始皇之疆蒙恬之威帶甲四十餘萬然不敢窺西河廼築長城以界之單于曰孝宣元帝爲作約束



自長城以南天子有之長城以北單于有之有犯塞  
輒以狀聞一史蒙恬傳將三十萬衆北逐戎狄收河  
南築長城因地形制險塞一賈誼過秦論曰北築長  
城而守藩籬卻匈奴七百餘里胡人不敢南下而牧  
馬主父偃曰欲地千里以河爲境王恢曰蒙恬  
爲秦侵胡辟數千里以河爲竟累石爲城植榆爲塞  
匈奴不敢飲馬於河置糞燹然後敢牧馬晁錯書  
秦北攻胡貉築塞河上南攻楊粵置戍卒焉唐劉  
旣以爲趙簡子起長城備胡詳見  
議邊括地志秦長城  
首起岷州西十二里延袤萬餘里東大遼水一通典

魏刁雍上表曰周命南仲城彼朔方趙靈秦始皇長城是築漢之孝武又踵其事

漢長安城 十城 十二門 九市

漢高祖二年十一月漢王定三秦還歸都櫟陽蕭何侍太子治櫟陽爲約束立宗廟社稷宮室縣邑五年二月甲午卽位汜水之陽帝乃西都洛陽夏五月兵皆罷歸家戍卒婁敬見說上曰周之先積德十餘世成王卽位周公營成周都雒以爲此天下中諸侯四方納貢職道里鈞矣有德則易以興無德則易以亡陛下取天下與周異而都雒陽不便夫秦地被山帶

河四塞以爲固卒然有警百萬之衆可具膏腴之地  
此謂天府陛下人關而都之蓋天下之亢而據其背  
也不如人關據秦之固或曰雒陽東有成臯西有殽  
崤青河鄉洛其固亦足恃上以問張良良因勸上曰雒  
陽中小不過數百里四面受敵非用武之國夫關中  
左殽函右隴蜀沃野千里南有巴蜀之饒北有胡苑  
之利阻三面而固守以一面東制諸侯諸侯安定河  
渭漕輓天下西給京師諸侯有變順流而下足以委  
輸所謂金城千里天府之國婁敬說是也上卽日車  
駕西都關中

漢紀云長安關中記秦西以隴關爲  
根棗以函谷爲界二關之中謂之關中

地方千里西都賦左據函谷二穀之阻右界褒斜隴首之險西京賦左有穀函重險桃林之塞右有隴 胝之隘隔 拜婁敬爲奉春君後九月治長樂宮六年

閔華戎

十二月田肯賀上曰甚善陛下得韓信又治秦中秦

形勝之國也帶河阻山隔絕千里持戟百萬秦得百

二焉地勢便利其以下兵於諸侯譬猶居高屋之上

建瓴水也夫齊東有琅邪卽墨之饒南有泰山之固

西有蜀河之限北有勃海之利地方二千里持戟百

萬隔千里之外齊得十二焉此東西秦也非親子弟

莫可使王齊者也還至雒陽三月歸櫟陽七年二月

自櫟陽徙都長安

武帝時淮南王安獻長安帶國頌

惠紀元年春

正月城長安師古曰長安木秦三年春發長安六百

里內男女十四萬二千入城長安三十日罷鄭氏曰城一面

故速罷六月發諸侯王列侯徒隸二萬人城長安五年

春正月復發長安六百里內男女十四萬五千人城

長安三十日罷九月長安城成賜民爵一級呂氏曰凡

三調發而城始成所以休民力六年夏六月起長安西市史年表立太倉西市

地理志京兆縣十二長安高帝五年置惠帝元年

初城六年成史記惠三年方築長安城四年就半

五年六年城就已上月日不功臣表陽城延為少

府作長樂未央宮築長安城先就封梧侯史大事

記高帝六年更命咸陽曰長安

索隱曰盧縮以其長安侯蓋別有此號

立大市七年自櫟陽徙長安孝惠元年始作長安城

西北方

前紀言五年九月城成地理志言元年初城六年成史記以爲三年方築四年就半五年

六年城就索隱按宮闕疏三年初作長安城五年成

六年立太倉西市

三輔黃圖長安故城漢之舊都

高帝七年方修長安宮城自櫟陽徙居此城本秦離

宮也初置長安城本狹小至惠帝更築之

皇覽曰秦有小城惠

帝始大之高三丈五尺上闊九尺下闊一丈五尺雉高三

板周廻六十五里城南爲南斗形北爲北斗形

周地圖記

同三輔舊事

至今人呼漢舊京爲斗城漢舊儀曰

城中經緯各長三十二里十八步志注云地九百七十五里

十三頃八街九陌三宮九府三廟十二門九市十六

橋間里一百六十三輔決錄長安城面三門回面

十二門皆通達九達以相經緯衢路平正可並列車

軌十二三途洞闢隱以金椎周以林木左右出入為

往來之徑行者升降有上下之別西都賦建金城

之萬雉呀周池而成淵披三條之廣路立十二之通

門街衢洞達間闔且千九市開場漢官闕疏曰長安立九市其六市在

道西三市貨別遂分人不得顧車不得還紅塵四

在道東合烟雲相連西京賦城郭之制則旁通三門參塗夷

長安十二街備經

漢雋儀曰長安城方六十三里經緯各長十五里云

十二城門中屬長安令三秦記曰鑿龍首山

為城城門校尉見門類光武修東都城門見大

駕宮元和志長安故城在長安縣西北十三里本

云城在唐大興宮西北十三里寰宇記長安在渭水南隔渭水北

對秦咸陽宮漢於其地置未央宮曰長安城因名縣漢

二年北徙都標陽故秦獻公所居屬馮翊後屬萬年今京兆縣也長安秦咸陽之地長安鄉也言可長安

子孫京兆所治縣也唐顯慶三年十月十七日游覽古長安

城問侍臣本朝慶曆中御邇英閣讀漢書紀問長

萬曆癸未年補刊

每卷一百一十二

一

易先三百九十二



安城舉莫能知趙師民陳自古都雍年世舊址所在  
若畫諸掌帝悅

漢南鄭城

水經注高祖爲漢王都南鄭大城周四十二里城內  
有小城南憑北結環雉金墉皆漢所修築晉咸康中  
梁州刺史司馬勲斷小城東面三分之一以爲梁川

漢廣武城

高紀四年十月漢王引兵渡河復取成臯軍廣武注  
孟康曰於滎陽築兩城而相對名爲廣武城在敖倉  
西三室山上後志河与滎陽有鴻溝水有廣武城

注西征記曰有三皇山或曰三室山上有二城東廣武西廣武相去二百餘步水經注廣武城在三室山上漢所城也括地志廣武城在滎陽縣西二十里通典河南府汜水縣有廣武城

漢縣邑城

高紀六年十月令天下縣邑城注師古曰縣與邑皆令築城前傳淮南王曰守下雉之城注江夏縣名後志南陽章陵故春陵世祖更名注古今注曰建武十八年使中郎將耿遵築城

漢廣陵城

後志廣陵注吳王濞所都城周十四里半

魏志黃

初六年親征幸廣陵故城

史年表楚懷王十年城廣陵

通典吳孫亮建興三

年衛尉馮朝城廣陵

通監晉太和四年十二月大

司馬溫發徐兗州民築廣陵城徙鎮之

元魏孝文欲築城置戍於淮南以撫新附之民高閭

以爲昔世祖南臨瓜步諸郡盡降而盱眙小城攻之

不克壽陽盱眙淮陰淮南之本原也三鎮不克其一

而留守孤城其不能自全明矣昔彭城之役旣克天

鎮城戍已定而思叛者猶踰數萬角城蕞爾處在淮

北去淮陽十八里五固之役攻圍歷時卒不能克  
梁韋叡至安陸增築城二丈餘更開大塹起高樓

漢城朔方 繕秦故塞 高闕塞 符離

塞 榆谿舊塞 雞鹿塞

武紀元朔二年甲寅春正月匈奴入上谷漁陽遣將軍

衛青李息出雲中至高闕師古曰高闕山名西至符

離塞名收河南地置朔方五原郡夏募民徙朔方十萬

口三年秋罷西南夷城朔方城五年春大將軍青將

六將軍兵出朔方高闕 衛青傳元朔二年青至隴

西捕首虜數千走白羊樓煩王遂取河南地爲朔方

郡師古曰當北地郡之北黃河之南封青為長平侯使青校尉平陵

侯蘇建築朔方城上曰匈奴逆天理造謀籍兵故遣

將以征厥罪詩不云乎薄伐玁狁至于太原出車彭

彭城彼朔方詩出車箋王使南仲為將率往築城于朔方為軍壘以禦北狄之難今車

騎將軍青度西河至高闕獲首三千三百級車輜甚

衆已封為列侯遂西定河南地案榆谿舊塞絕梓領

梁北河討蒲泥王號破符離執訊獲醜全甲兵而還其

益封三千八百戶注如淳曰榆谿舊塞名也師古曰上郡之北有諸次出諸次水出焉

東經榆林塞為榆溪言軍尋此塞而行符離塞名也史記云按榆谷舊河塞正義今榆林縣東四十里

地理志朔方郡縣十三封沃墜並元狩二年城臨

戎元朔五年城

食貨志衛青歲以數萬騎出擊匈

奴遂取河南地築朔方

云云

興十餘萬人築衛朔方

注師古曰築城又守衛之

主父偃傳偃言朔方地

肥饒外阻河蒙恬城以逐匈奴內省轉輸戍漕廣中國滅胡之本也上覽其說遂置朔方公孫弘諫以罷弊中國奉無用之地使朱買臣等難弘發十策弘不得一謝曰願罷西南夷蒼海專事朔方上許之

婁敬傳敬往匈奴結和親因言匈奴河南白羊樓煩

王去長安近七百里輕騎一日一夕可至願徙豪傑

名家實關中十餘萬口

韓安國傳王恢曰蒙恬侵

胡辟數千里以河爲堦累石爲城植榆爲塞

伍被

**傳**廣長榆開朔方匈奴折翅傷翼失援不振注師古

曰長榆在朔方

**匈奴傳**諸侯畔秦匈奴復稍度河

南冒頓南并樓煩白羊河南王復收蒙恬所奪地與漢關故河南塞至朝那膚施遂侵燕代元朔元年漢使將軍衛青將三萬騎出鴈門李息出代郡擊胡得首虜數千其明年衛青復出雲中以西至隴西擊胡之樓煩白羊王於河南得首虜數千羊百餘萬於是漢遂取河南地築朔方復繕故秦時蒙恬所爲塞因河而爲固漢亦棄上谷之斗辟縣造陽地以予胡是歲元

朔二年也其明年右賢王侵擾朔方明年春漢遣衛  
青將六將軍十餘萬人出朔方高闕明年春再出定

襄明年秋昆邪王降隴西北地河西益少胡寇

云云

票騎封狼居胥山是後匈奴遠遁而幕南無王庭漢  
度河自朔方以西至今居住往通渠置田官吏卒五

六萬人

元鼎六年

天子巡邊親至朔方勒兵十八萬騎以

見武節

紀元封元年冬十月登單于臺至朔方臨北河

匈奴數使奇兵侵犯

漢邊漢廼拜郭昌爲拔胡將軍及浞野侯屯朔方以

備東胡

元封四年

甘露三年遣長樂衛尉董忠將騎發邊

郡士馬送單于出朔方鷄鹿塞

注師古曰在朔方窳渾縣西北地理志



嵐渾有道西北出鷄鹿塞燕然銘陵高闕下雞鹿

後紀永元六年六月車騎將軍竇憲出雞鹿塞度

遠將軍鄧鴻出柶陽柶注柶陽縣屬九原贊曰孝武雖開河南之野建朔

方之郡亦棄造陽之北九百餘里後南匈奴傳元

初五年春逢侯詣朔方塞降

高紀三年十二月繕治河上塞六月興開中卒乘邊塞 晁

### 漢塞外受降城

武紀太初元年夏六月遣因杆將軍公孫敖築塞外

受降城因杆匈奴地名 匈奴傳是歲漢遣貳師將軍西伐

大宛而令因杆將軍築受降城其冬匈奴大雨雪畜

多饑寒死時烏維單于死子詹師廬立年少好殺伐

中不安左大都尉欲殺單于使人告漢曰欲殺單于降漢漢即舉兵迎我我乃發漢聞此言乃築受降城猶以爲遠其明年春漢遣浞野侯趙破奴將一萬騎出朔方北二千餘里期至浚稽山

在武威北

而還浞野

侯既至左大都尉欲發而覺單于誅之浞野侯未至受降城四百里匈奴圍之軍遂没于匈奴昭帝始元間匈奴遣九千騎屯受降城以備漢宣帝甘露三年呼韓邪單于入朝願留居光祿塞下有急保漢受降城李陵傳天漢二年詔陵至東浚稽山南龍勒水上觀虜即亡所見從浞野侯故道抵受降城休士注

受降城本公孫敖所築 唐溫彥博曰漢武帝置降  
匈奴城於五原塞下全其部落得爲扞蔽又不離其  
本俗因而撫之一則實空虛之地二則示無猜忌

漢五原塞外列城 五原塞 光祿城塞

石門鄣 居延城 候城 繕治障塞

武紀元封元年冬十月帝歷五原出長城登單于臺

大初三年夏四月遣光祿勳徐自爲築五原塞外列

城西北至盧胸山游擊將軍韓說將兵屯之疆弩都

尉路博德築居延秋匈奴入定襄雲中行壞光祿諸

亭障注晉灼曰地理志從五原桐陽縣北石門障卽

得所築城師古曰漢制每塞要處別築爲城置人鎮

守謂之候城此卽障也 匈奴傳見單于立三歲而

死子少匈奴乃立其季父烏維單于弟右賢王句黎

湖爲單于句音是歲太初三年也句黎湖單于立漢

使光祿徐白爲出五原塞數百里遠者千里築城障

列亭至盧胸山名而使遊擊將軍韓說長平侯衛伉屯

其旁使強弩都尉路博德築居延澤上韓說傳大初

列城通典注榆林征和三年漢軍乘勝追北至范

夫人城應劭曰本昭帝時匈奴入五原攻塞外亭障

時漢邊郡候望精明宣帝甘露二年呼韓邪款五原

康熙二十六年刊

塞史記正義五原塞即五原郡榆林塞也在勝州榆林縣四十里晉太康地志自北地郡北行九百

里得五原塞三年正月入朝二月遣歸單于自請願留居

光祿塞下紀云居幕南保光祿城注孝孟康曰光祿徐自為所築宣孝元約束

自長城以南天子有之長城以北單于有之有犯塞

輒以狀聞降者不得受地理志五原郡秦九原郡元朔二年更名

桐陽縣北出石門鄣得光祿城又西北得支就城又

西北得頭曼城又西北得庫河城又西得宿虜城張

掖郡居延縣澤在東北古文以為流沙師古曰關駟云武帝使伏

波將軍路博德築遮虜障於居延城李陵傳天漢二年詔陵以九月發出遮虜障陵將步兵五千出居

延北千餘里通典肅州酒泉漢武威郡都尉治熊

幡縣地古長城漢遮虜障也

水障北部都尉治休屠城 馬成傳建武十四年屯

常山中山以備北邊又代驃騎大將軍杜茂繕治障

塞自西河至渭橋河上至安邑太原至井陘中山至

鄴皆築保壁起烽燧十里一候 西羌傳建初二年

臨洮索西迷吾等降馬防乃築索西城 注故城在今洮州徙

隴西南部都尉戍之悉復諸亭候元和三年迷吾退

居河北歸義城 南匈奴傳建武二十四年春款五

原塞願永爲蕃蔽扞禦北虜永平八年置度遼營屯

五原曼栢章和二年單于上言將餘兵萬人屯五原

朔方塞以爲拒守 建武築北邊亭候保壁 耿夔

萬曆十六年 二五 監生董棟策

出居延塞圍北單于。

漢朔築三城光祿居延令居

光祿塞太初三年築其秋入寇輒遂壞棄爲其

要害故也元鼎六年數萬人度河築令居

漢候城 邊城

**武紀**太初三年秋光祿諸亭障注師古曰漢制每塞要處別築爲城置人鎮守謂之候城此卽鄯也董仲舒曰使邊城守境之民父兄緩帶稚子咽哺孝宣時邊城晏閉牛馬布野

漢遼東城 烏壘城 玉門亭障

見西

域都護

昭紀元鳳六年正月募郡國徒築遼東元菟城

黃龍成元

菟城

五行志元鳳五年四月燭星見奎婁間占曰有

土功邊城和六年正月築城

漢延壽城 昆侖塞

地理志河南郡緱氏有延壽城仙人祠遼西郡令支

有孤竹城

應劭曰故伯夷國

後西域傳延光二年敦煌太

守張璠陳三策今以酒泉屬國吏士二千餘人集昆  
侖塞注前書敦煌郡廣至縣有昆侖障宜禾都尉居  
也

漢北邊塞 外城



匈奴傳地節二年虛閭權渠單于立是時匈奴不能

爲邊寇於是漢罷外城以休百姓師古曰外城塞外諸城也單于

聞之喜名貴人謀欲與漢和親元帝竟寧元年單于

復入朝帝以後宮良家子王牆字昭君賜單于單于

驩喜上書願保塞上谷以西至焯煌傳之無窮請罷

諸備邊吏卒以休天子人民天子下有司議郎中侯

應習邊事以爲不可許上問狀應曰臣聞北邊塞至

遼東外有陰山東西千餘里草木茂盛多禽獸本冒

頓依阻其中治作弓矢來出爲寇是其苑囿也至孝

武世出師征伐斥奪此地攘之於幕北建塞徼起亭

隧築外城設屯戍以守之然後透境得用少安幕  
地平少草木多大沙匈奴來寇少所蔽隱從塞以南  
徑深山谷往來差難邊長老言匈奴失陰山之後過之  
未嘗不哭也前已罷外城省亭隧今裁足以候望通  
逢火而已起塞以來百有餘年非皆以土垣也或因  
山巖石木柴僵落豁谷水門稍稍平之卒徒築治功  
費久遠不可勝計臣恐議者不深慮其終始十年之  
外障塞破壞亭隧滅絕當更發屯以繕治累世之功不  
可卒復對奏有詔勿議罷邊奏事

**趙充國傳**竊見

北邊自焯煌至遼東萬一千五百里乘塞列隧有

吏卒數千人虜數大舉攻之而不能害。

韓安國傳單于穿塞將十萬騎入武州塞注師古曰

在鴈門汲黯傳匈奴攻當路塞絕和親

西南夷

傳漢興關蜀故徼注西南之徼猶北方塞

後西羌

傳武帝渡河湟築令居塞

注令居屬金城郡

章帝章和元年

羌入金城塞

後西域傳

延光二年

張璠上書今以

酒泉屬國吏士二千餘人集昆侖

前志宜禾都尉治昆侖障

南匈奴傳永建元年先是朔方以西障塞多不修復

單于上言求復章塞從之

漢進陽城

見門類 一藝文類聚李尤京師城銘曰天險匪登地險丘陵帝王設險乾坤是承 一貨殖傳雒陽街居在齊秦楚趙之中 一元和志故洛陽城在縣東二千里按華延雋洛陽記云洛陽城東西七里南北九里洛陽城內官殿臺觀府藏寺舍凡有一萬一千二百十九門 顏師古曰魚豢云漢火忌水故洛去水而加佳魏於行次爲土土水之牡也故變雒爲洛如魚氏說則光武以後改爲雒字

漢伊吾盧城 屬國城

明紀永平十六年二月竇固破呼衍王於天山留兵

屯伊吾盧城注本匈奴中地名破呼衍取其地置宜禾都尉屯田今伊州納職縣伊吾故城是也  
安紀永初四年正月度遼將軍梁懂遼東太守耿夔破南單于于屬國故城

馬援傳建武十一年夏拜隴西太守時朝臣以金城

破羗之西

破羗縣名屬金城故城在今鄯州湟水縣西

塗遠多寇議欲棄

之援言破羗以西城多堅牢不可棄詔武威守梁統

悉還金城客民歸者三千餘口使各反舊邑援奉爲

置長吏繕城郭起塢候開導水田勸以耕牧十九年

平嶠南援所過輒爲郡縣治城穿渠  
光武紀建武

十五年二月徙鴈門代上谷民於常山居庸關二十  
六年南單于遣子入侍於是雲中五原朔方北地定  
襄鴈門上谷代八郡民歸本土遣謁者分將弛刑徒  
補理城郭 趙憙傳建武二十七年拜太尉南單于  
稱臣令憙典邊事憙上復緣邊諸郡幽并二州由是  
定注建武六年徙雲中五原民于常山居庸關二十  
六年復令還 虞詡傳爲武都太守占相地勢築營

壘百八十所

鮮卑傳元初二年秋遼東鮮卑圍無

慮縣州郡合兵固保清野鮮卑無所得

清野謂收斂積聚不令寇

得熹平六年秋蔡邕議曰天設山河秦築長城漢起

塞垣所以別內外異殊俗也守邊之衛李牧善其畧  
保塞之論嚴尤申其要

漢典農城 章陵城

水經河水又逕與農城東注世謂之胡城又北逕上  
河城東世謂之漢城薛瓚曰上河在西河富平縣卽  
此也馮參爲上河典農都尉所治也河水又北逕典  
農城東注俗名之爲呂城皆參所屯以事農 郡國  
志南陽郡章陵故舂陵世祖更名注古今注曰建武  
十八年使中郎將耿遵築城

漢河南城

書名誥太保乃以庶敷攻位于洛泃注以衆敷之民  
治都邑之位於洛水北今河南城也疏漢地理志河  
南郡治在洛陽縣河南城別爲河南縣治都邑之位  
於洛北今於漢河南城是也

漢襄平城 諸葛亮城 牧師城

唐志賈耽考方城道里之數一曰營州入安東道涇  
汝羅守捉渡遼水至安東都護府五百里府故漢襄  
平城也六曰安南通天竺道自羊苴咩城西至永昌  
故郡三百里又西渡怒江至諸葛亮城二百里 後  
漢南匈奴傳永元六年南單于彼中郎將杜崇屯牧



師城

通典河南府澠池有古東西俱利二城卽秦昭王與趙惠文王會處蓋云秦趙俱利也

蜀漢漢樂城

蜀志建興四年春都護李嚴自永安還住江州築大城今巴郡故城是七年冬築漢樂二城

楊雄作成都城四堞銘

魏三城 新城

魏志明帝青龍二年五月孫權居巢湖口向合肥新城六月滿寵欲拔新城帝不聽曰先帝東置合肥南

守襄陽西固祁山賊來輒破三城之下者地有所必  
爭也縱權攻新城必不能拔勅諸將堅守七月壬寅  
帝東征吳志黃龍二年正月魏作合肥新城注晉  
紀曰魏文帝在廣陵吳人大駭乃臨江爲疑城自石  
頭至于江乘通典明帝時滿寵上表合肥縣西北  
三十里立城名新城

魏陳倉城

元和郡縣志陳倉上下二城相連上城秦文公築下  
城魏太和中將軍郝昭築築城訖諸葛亮來攻雲梯  
衝車晝夜攻拒二十餘日亮無利引去

城在鳳翔寶  
雞縣本秦陳

倉

魏石鼈城

通典楚州安宜魏鄧艾築石鼈城在縣西八十里以營田晉穆帝時荀羨云淮陰沃野有闢殖之利方舟運漕無地屯兵乃營立城池有平陽石鼈田稻豐饒

魏鴈門城

牽招傳爲鴈門太守通河西鮮卑附頭等十餘萬家繕治陘北故上館城置屯戍以鎮內外

吳濡須塢

吳志建安十六年徙治秣陵明年城石頭改秣陵爲

建業聞曹公將來侵作濡須塢十八年正月曹公攻

濡須相距月餘乃退

注作油船夜渡洲上以水軍圍取得三千餘人

赤烏四

年八月陸遜城邾

呂蒙傳拒曹公於濡須數進奇

計又勸夾水口立塢諸將皆曰上岸擊賊洗足入船  
何用塢爲蒙曰兵有利鈍戰無百勝如有邂逅敵步  
騎蹙人不暇及水其得入船乎遂作之通典和州  
歷陽西南百八十里有濡須水孫權築塢

### 吳建業城

吳志孫權黃龍元年九月自武昌遷都建業

晉改爲建康

左思吳都賦郭郭周匝重城結隅通門二八水道

陸衢

孫權城名石頭改秣陵爲建業輿地志曰都

城二十里十九步權雖城石頭以鎮江險其都邑則

在建業故城歷代所謂石頭者六朝因之諸葛孔明

云鍾山龍蟠石頭虎踞則南朝都城襟抱左右槩可

見矣晉宋以來面淮有朱雀航宋文帝作元武湖蓋

傳會龍蟠虎踞而爲此名也曰臺城則官省所屬也

曰東府西州城則諸王若宰相居之曰倉城則儲蓄

所在也以官室記攷之皆都城之內

然舊城在北去秦淮五里

元和郡縣志石頭城在昇州上元縣西四里卽楚之

金陵城也吳改爲石頭城建安十六年吳大帝修築

以置財寶軍器有戍吳都賦云戎車盈於石城是也  
晉臺城在縣東北五里咸和六年使王彬營造七年  
遷新宮卽此城也建康故城在縣南三里東府城在  
縣東七里 輿地廣記孫權初鎮丹徒謂之京城後  
徙都秣陵改爲建業晉元帝復都焉改丹陽大守爲  
尹 通鑑自晉以來建康宮之外城唯設竹籬而有  
六門齊建元二年五月命改立都牆 世說敘錄丹  
楊治城去官三里 王隱晉書江乘南岸有琅琊城  
立琅琊內史以治之 廣書韓滉築石頭五城自京  
口至土山修塢壁起建業抵京峴樓雉相望

却月城 吳夏口城

水經注沔左有却月城亦曰偃月壘戴監軍築船官  
浦東卽黃鵠山東北對夏口城魏黃初二年孫權所  
築依山傍江開勢明遠憑墉藉阻高觀枕流 吳志  
黃武二年正月城江夏山

晉荊州五城

羊祜傳都督荊州吳石城守去襄陽七百餘里祜以  
詭計令吳罷守祜以孟獻營武牢而鄭人懼晏弱城  
東陽而萊子服乃進據險要開建五城收膏腴之地  
石城以西盡爲晉有一水經注沔水南逕石城西城

因山爲固晉羊祜鎮荊州立

漢諸葛孔明曰荊州北據漢沔利盡南海東連吳會西通巴蜀此用武之國吳赤烏十一年春正月朱然城江陵

晉臥龍城

水經注晉書涼州城有龍形故名臥龍城南北七里東西三里本匈奴所築也

晉上明城 石城

元和郡縣志江陵府松滋上明故城在縣西一里符堅南侵亘冲爲荊州刺史渡江南上明築城以禦之



上明在縣東三十步明猶渠也相承云昔晉末朱齡石開三明引江水以灌稻田一亘冲傳欲移阻江南上疏曰自中興以來荊州所鎮隨宜迴轉臣兄温經畧中原因江陵路便卽而鎮之今宜全重江南輕戍江北南平孱陵縣界地名上明在吳時樂鄉城以上四十餘里北枕大江西接三峽於是移鎮上明使劉波守江陵楊亮守江夏蔡謨傳征西將軍庾亮欲移鎮石城謨議曰沔水之險不及大江自沔已西水急岸高魚貫沂流首尾百里若賊及我未陣而擊之將如之何亮不果移鎮陳光請伐胡詔令攻壽陽謨

上疏曰今壽陽城小而固自壽陽至琅邪城壁相望  
其間遠者裁百餘里一城見攻衆城必救謨所統七千  
餘人所戍東至土山西至江乘鎮守八所城壘凡十  
一處烽火樓望三十餘處隨宜防備甚有等畧 庾  
亮傳襄陽北接宛許南阻漢水其險足固其土足食  
臣宜移鎮襄陽之石城下并遣諸軍羅布江沔 謝  
安傳出鎮廣陵之步兵築壘曰新城

晉石頭城

水經注丹陽記石頭城吳時悉土塢義熙始加埭累  
石頭因山以爲城因江以爲池形險固有奇勢故諸

葛亮曰鍾山龍盤石城虎踞江寧縣北三十里有白馬城  
吳時爲烽火之所江寧圖曰石頭城吳之金陵城

建康圖元帝渡江歷六代都之輿地志金陵有東

府城晉安帝時築其城西本簡文爲會稽第其東則

丞相會稽王府時人號爲東府西州圖經曰金陵有

古冶城本吳鑄冶之地吳紀陟曰自西陵以至江

都五千七百里疆界雖遠而險要必爭之地不過數

四猶人雖有八尺之軀靡不受患其護風寒亦數處

耳

後魏長城 隋長城

通鑑魏高祖太和八年九月中書監高閭上表以爲  
北狄悍愚同於禽獸所長者野戰所短者攻城若以  
狄之所短奪其所長則雖衆不能成患雖來不能深  
入又狄散居野澤隨逐水草戰則與家業並至奔則  
與畜牧俱逃不齎資糧而飲食自足是以歷代能爲  
邊患六鎮勢分倍衆不鬪互相圍逼難以制之請依  
秦漢故事於六鎮之北築長城擇要害之地往往開  
門造小城於其側置兵捍守狄旣不攻城野掠無獲  
草盡則走終必懲艾此六鎮東西不過千里一夫一  
月之功可城三步之地強弱相兼不過用十萬人一

月可就雖有暫勞可以永逸凡長城有五利罷遊防  
之苦一也北部放牧無鈔掠之患二也登城觀敵以  
逸待勞三也息無時之備四也歲常遊運永得不置

五也帝優詔荅之

一本云長安自城西至五原延袤二千餘里通典云皇興中才雍

上表帝從之

世宗正始元年九月柔然侵魏之沃野及懷

朔鎮詔車騎大將軍源懷出行北邊指授規畧隨須  
興發皆以便宜從事懷至雲中柔然遁去懷以爲用  
夏制夷莫如城郭還至常代案觀諸鎮左右要害之  
地可以築城置戍之處欲東西爲九城及儲糧積仗  
之宜大牙相救之勢作五十八條表上之曰今定鼎

戍周去北遙遠代表諸國頗或外叛仍遭旱飢戎  
甲兵十分闕八謂宜準舊鎮東西相望令形勢相接  
築城置戍分兵要害勸農積粟警急之日隨便剪討  
彼遊騎之寇終不敢攻城亦不敢越城南出如此北  
方無憂矣魏主從之東魏孝靜帝武定元年八月丞  
相歡築長城於肆州北山西自馬陵戍東至土陞四  
十日罷齊顯祖自西河總秦戍築長城東至於海前  
後所築東西凡三千餘里率十里一戍隋文帝開皇  
元年召沂州刺史韋冲爲兼散騎常侍時發稽胡築  
長城汾州胡千餘人在路亡叛帝召冲問計對曰夷

狄之性易為反覆皆由牧宰不稱之所致臣請以理  
綏靖可不勞兵而定冲綏懷叛者月餘皆至并起長  
城之役 隋文帝紀開皇元年四月發稽胡修築長

城二旬而罷六年二月丁亥發丁男十五萬修築長

城二旬而罷五年使司農少卿崔仲方發丁三萬於朔方靈武築長城東距河西至綏州綿

歷六百里以遏胡寇六年二月復令仲方發丁十五萬於朔方以東緣邊險阻築數十城七年二

月發丁十萬修築長城二旬而罷十九年十月甲午

以突厥利可汗為啓人可汗築大利城處其部落

後周玉壁城

輿地廣記絳州稷山縣後周置勳州有玉壁城後周

王思政所築爲重鎮齊神武再攻圍不克韋孝寬代  
思政鎮玉壁高歡攻之智力皆困

隋大興城 新都

文帝紀開皇二年六月丙申詔左僕射高穎等創造  
新都於龍首山 以宇文愷有巧思領營新都副監十

二月丙子名新都曰大興城 高祖龍潛封號大興 三年三月丙

辰入新都四年四月丁未宴突厥高麗吐谷渾使者

於大興殿 三年改萬年縣曰大興京北統縣二十二 十八年十一月詔

自京師至仁壽宮置行官十有二所 煬帝紀天業

九年三月丁丑發丁男十萬城大興 西京記大興



城南直子午谷漢都城在長安鄉鄉在渭水南杜縣  
地隋唐都城在龍首原蓋漢城東南十三里也

隋雍州城

地理志開皇三年置雍州城東西十八里一百十五  
步南北十五里一百七十五步東面通化春明延興  
三門南面啓夏明德安化三門西面延平金光開遠  
三門北面光化一門里一百六十二

玉海卷第一百七十四

浚儀王應麟伯厚甫

宮室

城下 邊城附

唐京城

地理志上都關內道姑京城前直子午谷後枕龍

山左臨灊岸右抵澧水其長六千六百六十有五步

廣五千五百七十五步周二萬四千一百二十步其

崇丈有八尺高祖紀大業十三年十一月丙辰京

京師命宗公弼收圖籍約法十二條六月庚午進屯

長安故城十一月攻大興城下之武德元年五月改

隋大興殿爲太極殿昭陽門爲順天門紀高宗永

五年十月癸卯築京師羅郭起觀于九門會要十

和雇四萬苑明德養五千門工部尚書閤立德爲使元

開元十八年四月乙卯會要築京師外郭九十月

德宗正元四年冬築夾城長安志兩京城隋

文帝開皇二年自故都徙其地呂氏圖云南在漢

城之東南屬杜縣周之京兆郡萬年縣界南直終南

山子午谷北據渭水東臨灞西枕龍首原外郭城下

大興城文帝封大興公及即位以名城東開

八里一百一十五步南北一十五里一百七十五步

七十重隋志同大興宮隋開皇二年六月築正殿唐永徽四年

天下故口稅一錢更築之高宗於大興城北別唐大明宮北

而大興城南面三門正中曰明德門北當皇極朱

十里東曰啓夏門門外西南二里壇西曰安化門

東面三門北曰通化門憲宗送于蔡州中曰春明門南

曰延興門西面三門北曰開遠門中曰金光門西

也南曰延平門北面一門曰光化門隋誌洞市二里皇

城子城號東西五里一百一十五步南北三里一百四

十步南面三門正南曰朱雀門東曰安上門西曰含

光門東南二門南曰景風門北曰延喜門西南二門

南曰順義門北曰安福門城中南北七街東西五街

六典曰今霖雨開坊門宋

六典工部京城左河華

隴阨前終南後九變南三門中明德左啓夏右安化

東面三門中春明北通化南延興西面三門中金

北開遠南延平皇城在京城之中南面三門中朱雀

左安上右含光東面二門北延喜南景風西面二門

北安福南順義其中左宗廟在安東門右社稷在

西百寮廡宇列乎其門凡省六寺九臺一監四衛

有八法右備左右金吾備左右

右羽林軍衛

東宮官屬凡府一坊二坊左右春坊內坊寺三家令率更僕

率府十

左右衛左右青道左右司禦左右內左右監門內

劉弘基傳次長

安故城

所以別大興城

振隊金光門

許敬宗傳

舊顯慶二

年高宗於古長安城遊覽令敬宗與弘文學士檢秦

漢以來歷代宮室處所奏其年代

會要云顯慶二年十月十一日上因

於古長安城遊覽問侍臣曰朕觀故城舊址自秦漢以來幾代都此許敬宗曰秦都咸陽渭水貫都以象

天河漢惠始築此城

唐都城三重京城皇城宮城

有皇城使

三都上都東都

北都

唐太微城 東都皇城

地理志東都隋置

河南道古豫州之域

隋紀大業元年三月丁未營建東京二年正月辛酉東京成

志里一百三十市三

皇城長千八百一十七步廣千

三百七十八步周四千九百三十步崇三丈七尺曲

折以象南宮垣名曰太微城通典開元元年改洛

州爲河南府宋會要京城周回五十二里城內一

百二十坊

唐東都紫微城

地理志東都宮城在皇城北長千六百二十步廣八

百有五步周四千九百九十一步崇四丈八尺以象

北辰藩衛名曰紫微城武后號曰太初宮 皇朝開

寶八年十月丁巳修西京宮室將議幸洛也宮室周  
回九里三百步舊名曰紫微城

唐東都金城

地理志東都都城前直伊闕後據邙山左瀍右澗洛  
水貫其中以象河漢東西五千六百一十步南北五  
千四百七十步西連苑北自東城而東二千五百四  
十步周二萬五千五十步其崇丈有八尺武后號曰  
金城凡一百三坊二市會要天寶二年正月二十八日築  
神都羅城號曰金城通典洛陽金墉城在故城西  
北角魏明帝築



唐北都都城 大明城

又見晉陽宮

地理志北都

河東道右冀州之域

都城左汾右晉潛丘在其中

長四千三百一十一步廣三千一百二十二步周萬  
五千一百五十三步其崇四丈汾東曰東城正觀十  
一年長史李勣築兩城之間有中城武后時築以合  
東城宮南有大明城故宮城也宮城東有起義堂倉  
中有受瑞壇 霍神慶傳武后擢并州長史親爲按  
行圖遣之初州隔汾爲東西二城神慶跨水濕牒合  
而一之省防禦兵數千

東魏武定三年正月丁未於并州置晉陽宮

唐官城

見宮類

唐碎葉城

地理志焉耆都督府正觀十八年滅焉耆置有碎葉

城北庭都護府渡伊麗河至碎葉界又西行千里至

碎葉城水皆北流入積安西都護府六保大軍屯碎

葉城碎葉川口至裴羅將軍城又西二十里至碎葉

城城北有碎葉水會要調露元年九月安西都護

王方翼築碎葉城四面十二門為屈曲隱伏出沒之

狀五旬而畢又云瀚海軍大軍並在碎葉城裴行儉傳儀鳳二年

十姓可汗阿史那都支及李遮旬誘蕃落以動安西  
調露元年裴行儉因策送波斯奏王方翼爲副兼檢  
校安西都護權以制事至西州揚言大熱未可進徐  
召四鎮酋長偽約佯陰勒部倍道而進去都支帳二  
十餘里使人召之都支倉卒不知所爲詣營約遂禽  
之是日傳契箭召請部酋長悉來請命並執送碎葉  
城襲遮旬遮旬降悉俘至京師將吏爲刻石碎葉城  
紀功王方翼傳用裴行儉奏爲安西都護築碎葉  
城面三門紆還多趣以詭出入五旬而畢西域胡縱  
觀莫測其方略悉獻珍貨波斯傳調露元年詔裴

行儉將兵護還以道遠至安西碎葉焉耆傳開元

七年十姓可汗請居碎葉西域傳有碎葉者出安

西西北千里辭勃達嶺北行羸千里得細葉川東曰

熱海地寒不凍西有碎葉城天寶七載北庭節度使

王正見伐安西毀之通鑑開元二年三月己亥磧

西節度使阿史那獻克碎葉等鎮斬都檐

### 唐伊吾城

西域傳伊吾城者漢宜禾都尉所治商胡雜居勝兵

千附鐵勒人驍悍土良沃隋末內屬置伊吾郡正觀

四年城酋來朝頡利滅舉七城降列其地爲西伊州

通鑑九月  
戊辰入朝

唐未定壘

地理志邠州新平有未定壘二太宗討薛舉置

唐長安城

許敬宗傳帝嘗幸故長安城按蹕裴回視古區處問  
侍臣秦漢以來幾君都此敬宗曰秦居咸陽漢惠帝  
始城之其後苻堅姚萇宇文周居之帝復問漢武開  
昆明池實何年對曰元狩三年將伐昆明實爲此池  
以肄戰帝乃詔與弘文學士討古宮室故區具條以

聞

高宗顯慶三年  
十月十七日

唐和戎城

郭元振傳武后時突厥吐蕃連兵寇涼州

長安元年十一月

拜元振爲涼州都督初州境廣輪纔四百里虜來必傳城下元振始於南陝口置和戎城北磧置白亭軍制東要路拓境千五百里自是州無虜憂又遣甘州刺史李漢通關屯田盡水陸之利稍收豐衍地理志涼州西北五百里有白亭軍本守捉天寶十四載爲軍

唐河北三受降城

中宗紀景龍元年五月戊戌張仁亶爲朔方道行軍

大總管以備突厥

通監十月丁丑擊突厥大破之景龍元年景雲二年紀中不見築

城事

張仁愿傳

仁愿本名仁亶以音類睿宗諱改焉

神龍三年朔方

軍總管沙吒忠義為突厥所敗詔仁愿攝御史大夫

以代之始朔方軍

朔方即豐州也

靈州

與突厥以

河為界北崖

也

有拂雲祠突厥每犯邊必先謁祠禱

解然後料兵度而南時默啜悉兵西擊突騎施

會要作安

葛

仁愿請乘虛取漠南地於河北築三受降城絕虜

南寇路唐休瓌以為兩漢以來皆北守河今築城虜

腹中終為所有仁愿固請中宗從之表留歲滿兵以

助功時城陽兵二百人逃歸仁愿盡擒之斬於城下

軍中股慄役者盡力六旬而三城就

論守仁傳神三年為朔方

前鋒遊奕使時張仁愿築三受降城弓仁以兵出諸

真水草心山為邏衛

會要景雲二年三月一日張

仁賈請築三受降城睿宗從之三城皆據津濟遙相

應接通監景龍二年戊申二月丙申朔仁愿築三受降城于河上七月癸巳以仁愿同中書門下三品元和志神龍三年仁愿置以拂雲為

中城南直朔方西城南直靈武東城南直榆林

勝州三

壘相距各四百餘里其北皆大磧斥地三百里而遠

又於牛頭朝那山

元和志作牛頭牟那山

北置烽候千三百所

會要一百八十所通典同舊史一千八百所元和志同

自是突厥不敢逾山牧

馬朔方無寇歲損費億計減鎮兵數萬初建三城也不置壅門曲敵戰格或曰邊城無守備可乎仁愿曰



兵貴攻取賤退守寇至當併力出拒敢回望城者斬  
何事守備退怩其心哉後常元楷代爲總管治築壅  
門議者益重仁愿而輕元楷地理志豐州九原郡

東受降城景雲三年朔方總管張仁愿築三受降城

寶曆元年

五月

振武節度張惟清以東城濱河徙置

綏遠烽南

會要云賜錢一日萬城之至十月功畢

中受降城有拂雲堆

祠接靈州境

高霞寓傳元和十三年拜振武節度吐蕃攻鹽豐霞寓以兵五千屯拂雲堆虜

引有關元和九年

五月

置又有橫塞軍天寶八載

月置十二載廢西二百里大同川有天德軍大同川

之西有天安軍皆天寶十二載置天德軍乾元後徙

屯未濟柵故大同城也元和九年宰相李吉甫奏脩

復舊城北有安樂戍

志又云安北大都護府開元二年治中受降城十二年徙治天

德軍

通鑑開元二年閏二月王淑兼安北大都護

令豐勢定遠三受降城皆受節度使大都護府於中

受降城置

西受降城開元初爲河所圯十年總管張

說於城東別置新城

北三百里有鴈鵝泉

天寶元年王忠嗣併

受降振武爲一城

呂溫三受降城銘曰韓侯受命

乎在朔易比方之強制以全策亘漢橫塞揭茲雄壁

如三鬪龍躍出大澤並入襟帶各閉風雷俯視陰山

仰看昭回一夫登陴萬里洞開日晏秋盡纖塵不來

我聖耀德罷局北門優而柔之用息元元曷若全守

推亡固存于襄千夷未裕後昆丹日斥候迭望幾二  
千所損費億計減兵萬人東極于海西窮于天納陰  
山於寸眸拳大漠於一掌 仁愿封韓公制曰橫却  
月於天街劃長雲於地脉 李華韓公廟碑銘曰公

忠貫神明慮幾造化鎮以長策濟其奸謀奪壟拂雲  
維而城之並河之阿列築三鎮將精志銳談笑就役  
匈奴不敢視雷哭而遁憑墉而望匹馬單兵不匿  
形影虜心是械手足而刳腹心天下減征役之半三  
城既就刊木標繒記之種落刻其降年後皆如之銘  
曰沉泉雷動機發冥冥功奮三城人謠億齡北狄頓顙

山戎來庭萬里寢柝緣河罷扃

後人思仁愿為立祠受降城出師輒亭焉

按傳志會要通典等書築三城歲月不同會要作

景雲二年三月一日志作景雲三年傳作神龍三

年志同通典景龍中呂溫記景龍二年

通鑑

今考

之紀神龍三年五月戊戌仁愿為摠管會要其年

九月改景龍當以傳為定傳云神龍三年請中宗

從之會要乃云景雲二年三月一日築霄宗從之

通典恐志會要年月非而呂溫記與傳通監是

**寶錄**

兼紀傳通監

元和七年正月癸酉振武河溢毀東受

降城八年七月辛酉李光進請修東受降城

通監止云受降

城盧坦傳廉理河防李吉甫請移其兵於天德故

城李絳盧坦以為城當磧口據虜要衝得制匈奴上

策豐水美草邊防所利今避河患退二三里可矣奈

何捨萬代久安之策為一時省費之謀况天德故城

僻處确瘠去河絕遠烽候不接虜忽唐突是感國二

百里也城使周懷義奏利害與絳坦同上卒用吉甫

策以受降城騎士隸天德軍通監在八年七月當從

是誤實錄云以中受降城及所管騎士一千一百

四十人隸天德軍或是三城却數李司空論事云中

城舊屬振武有會要元和九年五月豐州奏中受  
降州與靈州城接界請置關從之  
列傳王峻為朔

方大總管跋跌部及僕固都督勺磨等散保受降城  
之鄙潛引突厥內擾賧誘誅之開元八年張齊丘爲朔

方節度天寶八載

三月

於中城西北五百餘里築橫塞

軍

郭子儀爲使

瑄城大曆十四年兼振武東受降城鎮

北大都護

李景畧正元中爲天德軍西受降城都

防禦使

李吉甫元和八年請起夏州至天德復驛

侯十一區以通緩急發夏州精騎五百屯經畧故城

以護黨項

張惟清爲振武節度請戶部錢十四萬

修東受降城

韓重華爲十五屯就高爲堡東起振

武西過雲州界極於中受降城出入河山之際六百

餘里 通鑑會昌二年二月李德裕請修東中二受

降城以壯天德形勢從之 地理志中受降城正北

八十里呼延谷口有歸唐柵車道也入回鶻使所經

幽州城內有經絡軍有約降軍本納降守捉城故丁

零川也西南有安塞軍赫連城 李光顏傳裴度伐蔡  
築赫連城於滄口

唐三受降城 見上段

元和志天德軍本安北都護正觀二十一年於今西

受降城東北四十里置燕然都護天寶八年張齊丘

置橫塞軍十二年安思順奏廢軍請於大同川西築

城置軍賜名天安軍十四年築城功畢乾元後改爲

天德軍西南移三里權居末清柵又移西受降城  
頻爲河水所侵元和八年春河溢城南面多毀壞防  
禦使周懷義上表請修築約錢二十一萬李吉甫密  
陳便宜請修天德舊城以安軍鎮曰西城是開元十  
年張說所築今河水毀其半不堪重修其子城猶堅  
量留千人足得居住案天德舊城在西城正東微南  
一百八十里其處見有兩城本末清柵卽隋大同城  
去本城約三里城甚窄小今隨事宜置仍存天德軍  
額北城周迴十二丈高四丈下濶二丈七尺天寶十  
載安思順所置其城居大同川中當北戎大路屬



勝山有事爲賊將破焚遂移永清柵別置理所於西

城力所不足實非遠圖臣計料修此城不過二萬貫

錢今若於天德舊城隨事增飭因有移換仍取城隸

天德軍別置使名自爲雄鎮可讐殊鄰詔從之於是

復移天德軍理所於舊城焉東受降城本漢雲中郡

地在榆林郡東北八里今屬振武節度中受降城本

秦九原郡地漢元朔二年更名五原開元十年又於

此城置安北大都護府後又移徙事具天德軍敬本古城

在中城北四十里鄭虔軍錄曰時人以張仁愿河外

築三城自古未有今敬本城周一萬八百七十二

壕塹深峻亦古之堅守也賈耽古今述曰以地理求之前代九原郡城也西受降城在豐州西北八十里蓋漢朔方郡地臨河縣故理處開元初為河水所壞十年總管張說於故城東別置新城今城西南隅又為河水所壞舊天德軍理此城元和九年移理天德軍城東受降城在朔州北三百五十里本漢定襄郡之盛樂縣也武德四年置雲州正觀二十年改都督府麟德三年改單于大都護府垂拱二年改鎮守使聖曆元年改置安北都護開元七年隸屬東受降城八年復置單于大都護府今為振武理所

**通監**開元二年閏二月以王

駿兼安北大都護朔方大總管令豐安定遠三受降  
城皆受節度徙大都護府於中受降城置兵屯田  
唐休璟云豐州控河邊寇號為襟帶

唐豐安定遠城

又見下

羊馬城

郭元振傳先天元年為朔方大總管二年正月築豐

安定遠城

關山道

兵得保頓

地理志

靈州黃河外有

豐安定遠新昌等軍豐寧保寧等城

武德四年析迴樂置豐安縣

豐安軍在靈州黃河西去州一百八十里州鳴沙神龍元年為默啜所屠移治故豐安城

本定遠城在靈州東北二百里先天二年郭元振置

後為土縣隸靈州景福元年靈威節度使韓遵表為

州杜鴻漸傳太子按軍平涼議出蕭關趣豐安曰

州我之關王海賓豐安軍使王峻為朔方

副大總管豐安定遠等城並受節度白元光為靈

武留後定遠城使渾瑊兼定遠西城天德軍節度

羊馬城幅員十四里信安王禕所築元和志定遠

城在靈州東北一里即漢北地郡方渠縣之地以豐

### 唐長城

安勢孤置此有兵五千五百鎮之見後六典朔方

節度使其統有豐安軍定遠城

地理志媯州懷戎縣北九十里有長城開元中張說

築東南五十里有居庸塞東連盧龍碣石西屬太行

常山實天下之險有鐵門關通典古居庸關在幽州

昌平縣西淮南子天

萬曆丁亥年  
監生程應科刊

下九塞居庸  
是其一也

元魏以柔然寇邊自赤城西至五原築長城二千餘里隋開皇五年使司農少卿崔仲方發丁三萬於朔方靈武築長城東距河西至綏州縣歷七百里以遏胡寇太宗正觀二年九月己未突厥寇邊或請修古長城上曰朕方掃清沙漠安用勞民

志過金河經後魏沃野鎮城傍

金河過古長城九十二里至吐俱麟川

唐威戎城

地理志安西撥換城一曰威戎城

唐營州城

采慶禮傳為河北營田使初營州都督府治柳城扼

制奚契丹武后時趙文蔚失兩蕃情攻殘其府更治

東漁陽城

志聖曆元年

元宗以奚契丹款附欲復治故城

宋璟爭不可慶禮執處其利詔與姜師度邵宏等為

使築戡三旬畢

志開元五年還治柳城

兼營州都督張九齡曰

慶禮城營州士纔數千無甲兵強衛指期而往不失

所慮遂罷海運邊亭晏然

唐鹽泉城 石堡城

唐曆開元二十六年三月隴右節度留後杜希望攻

吐蕃新城拔之以為威武軍

志在茂州

七月希望發鄯州

女奪虜河橋并河築鹽泉城號鎮西軍破吐蕃兵三

萬人

志河州西百八十里有

會要開元十八年三

月二十四日

甲寅

朔方節度信安王稹攻吐蕃石堡

城

本名鐵

拔老四月改為振武軍二十九年十二月

六日陷天寶八載六月哥舒翰又拔之閏六月三日

乙丑

以為神武軍

哥舒翰傳下石堡城以赤嶺為

西塞

渾瑊傳從拔石堡城龍駒島勇常冠軍

地

理志

鄯州鄯城定戎城又南隔澗七里有天威軍軍

故石堡城天寶八載克之更名

唐平戎城

安戎城

唐曆開元二十七年十二月，卒仇兼瓊節度劍南二  
十八年三月，兼瓊謀誘吐蕃安戎城主爲應導官軍  
入盡拔虜戍以監察御史許遠守之。吐蕃圍城絕水

五月十八日

會石裂泉涌引去。二月十日，詔改安戎爲平

戎云。

高適傳：始上皇分劍南爲兩節度，西山西山三

城列戍，適上疏曰：東西川實一道，自邛關黎雅抵南

蠻由茂而西，經羌中，平戎等城界吐蕃瀕邊，諸城皆

仰給剡南平戎，以西數城皆窮山之顛，蹊隧險絕，運

糧束馬之路，坐甲無人之鄉。  
南蠻傳：茂州西南築

安戎城，絕吐蕃通蠻之道。  
儀鳳二年，益州長史李逸築之以歷吐蕃吐蕃得生。



唐爲鄉導陷而擄之時吐蕃幅員餘萬里西戎未有此盛志茂州有威戎軍恭州西南有平戎軍

曲環傳德宗初虜寇劔南以邠隴兵五千馳救收

七盤城威武軍維茂等州虜破走韋臯傳正元中

建安夷軍於資州維制諸蠻城龍谿於西山保納降

羌五行志開元二十八年六月吐蕃圍安戎城斷

水路城東山鳴石坼湧泉

唐大同靜邊城

平戎十八策

天德城

又見此

王忠嗣傳節度朔方天寶元年上平戎十八策三載  
斬米施築大同靜邊二城徙清塞橫野軍實之併受

降振武爲一城虜不敢盜塞從河東節度自朔方至雲中袤數千里據要險築城堡斥地甚遠自張仁愿後四十餘年忠嗣繼其功會要正觀十三年吐谷渾叛置靜邊鎮儀鳳三年置積石軍地理志關內

豐州中受降城西二百里大同川有天德軍大同川之西有天安軍皆天寶十二載置天德軍乾元後徙也永濟柵故大同城也河東代州北有大同軍本大武軍調露二年曰神武天授二年曰平狄大足元年

更名其西有天安軍天寶十二載置

會要大同軍在朔方州本大武

軍開元十一年三月四日改大同

朔州馬邑縣開元五年於大同軍

城置蔚州東北有橫野軍開元十二年安邊縣治乾元元年徙

天成軍合之而廢橫野軍西有清塞軍本清塞守捉

城正元十五年四月置安樂戍在河西壩其東壩有古大同

城今大同城故永濟柵也郭子儀傳天寶十四載祿

山反子儀為朔方節度收靜邊軍斬賊將周萬頃遂

收雲中馬邑開東陁渾瑊傳天寶中破阿不思與

諸軍城永清及天安軍會要天寶八載三月於木

刺山置橫塞軍城改為天德軍郭子儀為使子儀傳地偏不

可耕徒築永清號天德軍以使兼九原回鶻傳元

和末可汗以三千騎至鷓鴣泉振武以兵屯黑山治

太守

李景畧任迪簡石雄皆為使

回鶻傳元

天德城備虜會昌中烏介攻天德城劉沔屯雲伽關  
拒之盟沒斯降卽天德爲歸義軍拜軍使 六典河  
東節度使其統有大同橫野岢嵐三軍

唐應龍城

哥舒翰傳天寶七載十二月爲隴右節度副大使築  
神威軍青海上吐蕃攻破之更築城於龍駒島有白  
龍見因號應龍城翰相其川原宜蓄牧謫罪人二千  
戍之吐蕃不敢近青海十三載兼河西節度三月破  
吐蕃洪濟大莫門等城 莫門軍儀 收黃龍九曲置洮  
陽郡築神策宛秀二軍 王難得傳復收五橋進白

水軍使收九曲

曲環傳

天寶中從翰拔石堡取黃

九曲洪濟等城

地理志

洮州西八十里磨環川

有神策軍天寶十三載置寧塞郡西有寧邊軍西八  
十里宛秀城有威勝軍西南百四十里洪濟橋有金  
天軍東南八十里百谷城有武寧軍南二百里黑峽  
川有曜武軍皆十三載置鄯州有安人威戎軍綏和  
合川二守捉城肅州有酒泉威遠二守捉城 李嗣  
業傳天寶中爲疏勒鎮使城一隅地屢築輒壞嗣業  
視之有白龍見因其處蒞祠以祭城遂不壞

漢志鴈門郡馬邑注晉太康地記云秦時建此城不

成有馬周旋馳走因依以築城遂名馬邑

唐會昌城

會要大寶六載十二月二十一日壬戌築會昌城於  
湯所置百司及公卿邸第地理志京兆府昭應天  
寶元年更驪山曰會昌山三載析新豐萬年置會昌  
縣六載築羅城置百司及十宅

唐長武城

地理志邠州宜祿有長武城列傳李懷光爲邠寧  
節度頻歲率師城長武以處軍士城據原首臨涇水  
俯瞰通道爲要防渾瑊以朔方兵馬使屯宜祿大

曆七年擊吐蕃破之自是歲防長武城盛秋 戴休

顏城邠州功最 韓全義為長武城使正元三年吐

蕃犯長武城全義拒之 高崇文從韓全義鎮長武

城治軍有聲崇文以長武城使討劉闢練卒五千常

若寇至 高霞寓元和初代高崇文為長武城使

唐綏遠城 綏戎城 都護府四壘

地理志古雲中城又西五十五里有綏遠城皆靈夏

以北蕃落所居安西撥城一曰威武城鄯州鄯城有

河源軍西六十里有臨蕃城又西六十里有白水軍

綏遠城又西南六十里有定戎城 李元亮傳正元

三年更節度隴右治良原

涇州縣

良原墮堞涇圮元諒

培高浚淵又築連弩臺遠烽候爲守備進據勢勝刻  
新壁涇隴以安 劉沔傳徙振武節度開成三年突  
厥劫營田沔發吐渾契苾沙陀部萬人擊之賊一轡  
無返者築都護府西北四壘

### 唐朔方五城

郭子儀傳上書曰朔方國北門西禦大戎北虞檢梳  
五城相去三千里開元天寶中戰士十萬馬三萬匹  
僅支一隅自靈武從征討比天寶中止十之一今吐  
番兼吞河隴雜羌渾之衆勢踰十倍與之角勝豈易



得邪

家傳云大曆九年上表今以朔方城十倍之願軍當吐蕃加十倍之騎欲求制勝豈易為力

通鑑九年

於諸道料精卒滿五萬列屯北邊則制勝可必

通鑑九年

二月癸巳

地理志夏州朔方縣長慶四年

會要三月

節度使

李祐築烏延宥州臨塞陰河陶子等五城于蘆子關

北以護塞外宥州城寶應後廢元和九年於經畧軍

復置

延恩縣有經畧軍在榆多勒城天寶中王忠嗣奏置

十五年徙治長澤

元和

十年五月修宥州城為吐蕃所破長慶四年李祐復奏置

### 唐晉陽城

馬燧傳念晉陽王業所基宜固險以示敵乃引晉水

架汾而屬之城猶為東隍省守裨萬人又醜汾環城

植以固隄

建中四年河東節度馬燧西引晉

水架汾而城之東澹以爲池

唐平涼城 連雲堡 彰信堡

通鑑 正元四年劉昌復築連雲堡七年二月戊戌詔

涇原節度劉昌築平涼故城

平涼在  
原州西一百五十里 詔曰平涼當四

會之衝  
居北地之要

扼彈箏峽口浹辰而畢昌又築朝谷堡甲

子名堡曰彰信

在平涼西三十五里 實錄三月築

劉昌傳正元七

年城平涼開地二百里扼彈箏峽又西築保定扞青

石嶺凡七城二堡旬日就以功檢校右僕射

地理

志涇州潘原縣後省爲彰信堡正元十一年復置

舊紀正元七年二月己巳涇原帥劉昌復築平涼城  
 城去故原州一百五十里本原之屬縣地當禦戎之  
 衝要浹辰而功畢分兵戍之邊患稍弭三月甲子劉  
 昌築胡谷堡實錄作朝谷改名彰義堡實錄作彰信堡在平涼  
 西三十五里亦禦戎要地

唐鹽州城

地理志鹽州五原郡本鹽川正觀二年梁師都平復  
 置州秦漢北地郡以有保塞軍正元十九年置  
 吐蕃傳正元二年十一月吐蕃攻鹽夏刺史杜彥光  
 拓跋乾暉不能守虜遂有其地志三年沒自虜得鹽州塞

防無以障遏靈武單露廊坊侵迫寇數入爲邊患八

年

壬申歲

帝復詔城之使涇原劔南山南深入窮討分

貴兵毋令專嚮東方詔渾瑊

副元帥

杜希全

都統

張獻甫

邠寧邢君牙

神策軍行營韓潭

夏綏銀

王栖曜

邠坊

范希朝

振武

合兵

三萬以左右神策將軍胡堅張昌爲鹽州行營節

度使板築之役者六千人餘皆陣城下九年二月辛

酉始裁闕二旬訖功而虜兵不出以兼御史大夫紇

干遂中丞杜彥光戍之

舊紀月日同

列傳張獻甫節度

邠寧斷山浚塹選巖要地築烽堡請復鹽州及洪門

洛原鎮屯兵詔可獻甫遣兵馬使魏羌逐吐蕃築鹽

夏二城

邠志曰八年議築鹽夏二城三月師起五原去城百里而軍

杜希全兼

夏綏銀節度都統建言鹽州據要會爲塞保障請復

城之詔希全及朔方邠寧銀夏鄜坊振武及神策行

營合選士三萬五千屯鹽州又敕涇原劔南山南牽

撓其力使不得犯塞楊朝晟爲寧州刺史以副邠

寧節度張獻甫正元九年城鹽州召兵護外境朝晟

分統士馬屯木波堡韋臯正元九年朝廷城鹽州

詔臯出師牽維之李晟薨正元九年後城鹽州復故池

上惻然思晟李光顏元和末鎮邠寧時虜毀鹽州

城使光顏復城之以忠武軍從會要正元九年二

月詔復築鹽州城先是三年城爲吐蕃所壞自後塞  
外無保鄣犬戎入寇旣城之後邊患頓息 白居易  
有城鹽州詩

唐方渠三城 馬嶺城 應聖泉

楊朝晟傳正元九年爲邠寧節度使十三年請城方  
渠合道水波以遏吐蕃路詔問須兵幾何報曰部兵  
可辦帝曰前日城五原興師七萬今何易邪對曰鹽  
州之役虜先知之今薄戎而城虜料王師不十萬勢  
難輕入若發部兵三日至塞下未三旬可畢積芻聚  
糧留卒戍之寇至不可拔若大發兵閱月乃至虜亦

來來必戰戰則不暇城矣帝納其策師次方渠水乏有青蛇降險下走視其迹水從而流朝晟使築防環之遂爲停淵士飲仰足圖其事以聞有詔置祠命泉曰應聖已城吐蕃悉衆至度不能害乃引去復城馬嶺而歸開地三百里 通鑑正元十三年三月方渠三城成 別志十三年二月十一日朝晟除使十八日發軍二十六日軍次石臺谷三月二十八日 功就地理志方渠馬嶺皆慶州屬縣節度張獻甫置選險要爲烽堡

唐保定城 又見上

會要涇州臨涇縣正元十一年正月節度使劉昌奏

請於臨涇界保定城置陰盤縣敕改爲潘原十一年  
以彰信堡復置

志潘原本陰盤天寶元年更名後省爲彰信堡

唐末信城

臨涇城

良原城

潘原城

臨涇城

地理志隴州涇源正元十三年築永信城于平戎川

涇陽有臨涇城太和元年築原州平涼郡廣德元年  
沒吐蕃節度馬璘表置行原州於靈臺之百里城正

元十九年徙治平涼

舊紀四月乙未劉昌奏

元和三年又徙治

臨涇

列傳邢君牙節度鳳翔吐蕃犯邊君牙劬耕

戰爲備又城隴州平戎號永信城

郝珙正元中爲



臨涇鎮將嘗從數百騎出野還說節度使馬璘曰臨

扼洛口其川饒衍利蓄牧其西走戎道曠數百里

皆流沙無水草願城之爲休養便地璘不聽及段祐

代節度毗復說曰天寶中天下以兵爲防獨西戎耳

而塞至京師且萬里自祿山反西陲盡亡寰內爲邊

郡者築臨涇以折虜勢使甚佑唯諾請于朝卒詔城

臨涇通鑑元和三年正月庚子爲行原州十二月庚子置以毗爲刺史戊

之自是虜不敢過臨涇毗在邊積三十年虜大畏舊紀元和

三年正月庚子涇原節度段祐請修臨涇城在涇州

北九十里扼犬戎之衝要詔從之十二月庚戌以臨

涇縣爲行原州命鎮將郝毗爲刺史自毗鎮臨涇西戎不敢犯塞

李元諒爲隴右

節度正元四年初築良原城距城築臺上張連弩又  
進築新城據便地虜深憚之 朱忠亮憲宗時爲涇

原四鎮節度築潘原城

初正元三年七月庚辰遣次勝軍使唐良臣以六百人自

咸陽戍潘原堡

王潛拜涇原節度使憲宗與對大悅潛至

鎮繕壁壘積粟備兵遂引師自原州踰峽石取虜將  
一人斥烽候築歸化潘原二壘請復城原州度支沮

議 王承元穆宗時爲鳳翔節度鳳翔右裒涇原地  
平少巖險吐蕃數入承元據勝地爲鄣置守兵千詔

號臨汧城以勞封岐國公 舊紀太和元年四月甲

午鳳翔築臨汧城於汧陽縣西北八十里

唐清塞城

會要清塞軍正元十五年四月以清塞城爲軍

唐鄂城

牛僧孺傳寶曆元年正月於鄂州置武昌軍授僧孺

節度使鄂城土惡亟圮歲增築僧孺陶甃以城五年

畢鄂無歲費志一州有武昌軍元和元年置吳志

孫權黃初二年自公安都鄂改名武昌八月城武昌

唐杖義城

禦侮城

柔遠城

叩峽關

李德裕傳

兼舊史

太和四年十月戊申徙劍南西川

節度使建籌邊樓率戶二百取一人使習戰緩則農

悉則戰謂之雄邊子弟其精兵曰南燕保義保惠兩  
河募義左右運弩騎士曰飛星鷲擊奇鋒流電霆聲  
突騎總十一軍築杖義城以制大度青谿關之阻作  
禦侮城以控築涇

雅州縣名

倚角之勢作柔遠城以扼西

山吐蕃六年五月甲辰奏復邛崃關徙舊州治臺登

地理志六年徙治

以奪蠻險於是二邊浸懼南詔請還所俘

掠吐蕃維州將悉怛謀以城降後路巖置定遠軍於  
邛州扼大度治故關由是山南八國來朝

地理志

黎州有武侯廣清肅寧大定要衝杖義等十一城舊  
州有清溪關維州武德七年於羗戶以姜維故城置

廣德元年沒吐蕃太和五年收復德裕遣將虞藏儉據之州南抵江陽  
岷山西北望隴山一面崖三涯江虜號無憂城雅州  
為西南要扞尋棄之大中三年首領以州內附  
有伐謀制勝等八城榮經縣有邛峽山有關

唐三原城 經畧城

史憲忠傳會昌中築三原城吐蕃因之數犯邊拜憲  
忠涇原節度使以怖其侵疏涇于隍積緡錢十萬粟  
百萬斛戍人宜之 李吉甫傳元和八年請發夏州  
精騎五百屯經畧故城以護黨項奏復宥州乃治經  
畧軍以隸緩銀道 元和志豐安軍靈武郡西黃河  
外一百八十餘里萬歲通天初置管兵八千人馬一

千三百定定遠東城靈武郡東北二百里黃河外景  
龍中韓公張仁愿置管兵七千馬三千西城九原郡  
北黃河外八千里景龍中仁愿置管兵七千馬一千  
七百西南去理所一千餘里安北都護府亦日中受  
降城景龍中仁愿於黃河北岸置管兵六千馬二千  
西南去理所千三百里東城榆林郡東北二百里景  
龍中仁愿置管兵七千馬一千七百西南去理所一  
千六百餘里振武軍單于都護府城內天寶中王忠  
嗣置管兵九千馬一千六百西南至理所千七百里  
靈州

舊置六胡州在靈州界內開元中廢六州置宥

州以領降戶天寶末寄理經畧軍元和八年李吉甫

上言九年五月復於經畧軍城置宥州

自新宥州北至天德置新

館十一

所從天德取

夏州乘傳奏事

十四日餘至京師

急吉甫傳云起夏州至天德復驛候十一區以通緩

唐新安城

奮戎城

峨和城

會要咸通六年四月西川節度牛勣於蠻界築新安城以遏戎州

地理志 嵩州西有寧遠軍有新安三

阜沙野保塞西瀘道戎等九城自青溪關南經大定

城百一十里戎州有奮戎城乾符二年置翼州有峨

和白岸都護祚鼎四城

文苑英華 陳諷新築峩和

城賦數萬落於屈指聯連營於寸目

唐安南城

高駢傳咸通七年

十一月十一

爲靜海軍節度築安南城周

三千步又鑿道三所通使者青石或傳馬援不能治有震碎其石乃得通因名道曰天威道駢鎮成都築城名曰大元城

寶曆元年安南都護李元喜請移城於江北岸圖形勢上之王峻桂州築城康成訓城邕州合容管隸之

建隆脩都城

太平興國京城門名

元



豐脩都城記

東京舊城周回二十里一百五十五步即汴州城唐建中

初節度使李勉築皇朝日闕城裏城南三門朱雀保康崇明

東二門麗景望春西二門宜秋北三門景龍安遠天波大內據關

城西北宮城周回五里新城周回四十八里二百三

十三步周世宗廣而新之顯德二年四月展外城王

主營度薛可高史儉蓋萬康彥環之徒司工築舉宋

渭曹鄭之民十餘萬城之農隙與板築東作則罷陶

穀為之頌三年彰信節度使韓通築王朴傳云廣

皇城曰國城外城南五門南薰普濟宣東五門上善

朝陽含西六門順天大通開遠北五門通天景陽

輝善利宣澤金耀咸豐泰安肅永

建隆三年正月甲戌發浚儀民數千廣皇城之東

隅五月命有司案西京宮殿圖修宮城韓重贊董役四年

五月十四日詔李懷義護役二十四日明德門命陶穀撰碑乾德

三年四月十三日導五丈河通皇城爲池四年二月

七日帝親視皇城版築之役六年卽開寶元年正月甲午

發近甸丁夫增修京城興國四年九月戊子改京城

門名至道元年十一月丁卯二十日詔張洎改撰京城

內外坊名八十餘分定布列始有雍洛之制或云坊一百三

十有二雍熙二年秋廣皇城九月十七日命劉延

翰等經度畫圖來上帝恐動民居而止僅遷出在內

而巳三數司祥符元年正月丙子十四日脩東京外城九年

七月丁未增築新城天禧二年三月畢工天聖元年

正月辛卯發卒增築京城

七月二十四日增築皇祐元年八月十二日葺舊城

嘉祐四年正月十一日修築新舊

熙寧八年九月癸

酉重脩都城

會要八月二十一日詔丙臣宋用臣董之

元豐元年十月

丁未

六日

告畢詔知制誥李清臣記之曰以三歲之績

易數百年因循之陋崇墉迄然周五十里一百六十

五步橫度之基五丈九尺高度之四丈而埤堦七尺

堅若埏埴直若引繩惟我汴京氣象宏偉平廣四達

岡阜繞轉隱磷地中若龍盤虎伏睨而四據濁河限

其北曹渠貫其內氣得中和土號沃衍霏煙屯雲映

帶門闕望之者知其爲天子之宅周世宗廣而新之  
逮此百二十有五年聖主營於無爲圖于弗用取羨  
卒共其力兵不踰一萬分部者六板幹遞遷畚鍤貫  
序創機輪以登土爲鐵疏以固溝塹于丙方環于四  
浹度功五百七十九萬有奇所省者十之三其作怡  
然其成裕然人不及計士不及議而城以全新奏矣  
又有材易八門崇端顯嚴遂與城稱其外趾跨隍百  
一十有五步聖授其筭士薦其能

云云

二年進記

聖元年九月六日刻石於南薰門蔡卞書篆

初命直學士院

孫洙撰記後  
改命清臣

元祐三年十月庚子命將作監丞李

康熙二十六年刊

皇朝三百年

三

土京修京城

紹聖元年正月八日增築功畢  
外門正門爲方城偏門爲甕城

卷之四

三

四万二十六

舊城內左一廂二十坊二廂十六坊右一廂八坊二廂二坊新城內城東廂九坊西廂二十六坊南廂二十坊北廂二十坊太宗以各多俚俗至道元年十一月十五日易以美名唯寶積安業樂臺利仁四坊仍舊各祥符二年三月九日增置廂九京東一廂一坊二廂一坊三廂一坊京南廂二坊京西一廂二坊二廂二坊三廂二坊京北一廂二坊二廂一坊祥符六年五月七日改夷門坊曰寧遠元英坊曰瑞慶重城之內畫坊一百三十二

太祖建都無山川之險所恃者在修德在用人  
民心

雍熙築河北城壘 祥符山川城寨圖

雍熙四年二月二十三日詔河北諸郡發鎮兵增築

城壘

遺翟守素田仁明等四人分路按行端拱二年二月令沿邊作方

田列置寨柵至道三年九月楊允素上地圖帝御滋

福殿歷指山川堡壁曰朕已令屯兵內地而省冗費

咸平四年十二月壬戌陝西漕臣劉綜言鎮戎軍不

古原州請於軍前後置堡寨且耕且戰

祥符二年置橫陽神堂

銀城三寨皆在屈野河東置寨將祥符三年四月己未內出曹瑋

宗貴所上涇原環慶兩路山川城寨圖示宰臣以處  
置藩部俱當儲備亦詳宜別畫二圖一付本堂一  
留密院康定元年陝西漕龐籍請諸寨互相應慶  
曆元年曹琮於三都谷靜邊堡置寨二年三月慶  
於柔遠寨東擇利益建城寨又於細腰城建寨四年  
宣撫韓琦請令涇原修葺堡寨五年十月甲子以延  
州城馬蹄川爲安定堡嘉祐四年二月十一日詔留  
麟州鎮川府州中候百勝清寨四堡寨餘皆廢之治  
平四年三月環慶蔡挺築荔原堡閏三月涇原修堡  
寨賜名治平寨又有雜川寨熙寧十年延州建四堡

咸平六年六月己卯賜環州大名乾川新寨各肅遠  
九月辛亥府州西寒嶺置寨賜名寧遠慶曆三年正  
月乙未詔河北轉運提刑安撫司提舉修城

咸平彭陽城

鎮戎軍咸平六年築 九城志軍東八十三里

景德肅寧城

涇州雍熙中置平虜寨淳化元年改平虜城景德元  
年十二月甲辰改肅寧城

天禧清水城

秦州天禧元年十一月曹韋築熙寧元年秦州置甘



谷城

九域志甘谷在州西北一百八十五里

明道懷遠城

明道元年十月甲寅鎮戎軍新修赤臺城各爲懷遠城 慶曆元年十月三日戶部副使李宗誅等往河東修寧遠寨

渭州牧隆城天禧元年築 祥符七年築籠竿城 咸平四年閏十二月築綏州城

康定青澗城

元年九月庚午以种世衡知延州青澗城 种世衡傳建請營故寬州州西南直延安二百里當寇衝石

擇延安左可致河東粟北可圖銀夏詔即廢壘興築  
壘近虜屢出爭且戰且城之初苦無水鑿地百五十  
尺至石屑石得泉城成賜名青澗城遷知城事開營  
田二千頃

**九域志**青澗城在延州東北一百十五

慶曆韓公城

秦州初建隆三年築伏羌城祥符九年二月城南市  
慶曆初守臣韓琦以東西城外有民居軍營恐資寇  
元年十月己卯詔增築外城乃廣外城十一里與內  
城聯合爲一城秦民德之號韓公城興功於元年十

月三日巳卯成於二年正月二十七日廣四千一百步高三丈五尺計工三百萬云東西關城

### 慶曆水洛城

德順軍慶曆三年以渭州隴竿城置軍靖邊砦西南去略陽二百里。有城曰水洛川地平土沃曹瑋嘗經營之。劉滬密使城主鐸斯那內附。因城之。慶曆三年十月甲子鄭戩奏遣劉滬董士廉築城涇原帥尹洙令罷役不從。四年七月二十六日奏城成。訖役以滬任城事城

中有碑紀滬事九城志城在軍西南一百里

至和元年八月廣西余靖作桂州新城二年六月歲

王安石爲記

慶曆大順城

慶曆二年范仲淹於慶州柔遠寨東北四十里大順川建城四月辛巳詔城各大順

張載爲之記

五年閏五月

甲申仲淹宣撫請建細腰城

在三川間

命种世衡蔣偕城

之自環州隸原州

范仲淹傳慶之西北馬鋪寨當

後橋川口深在賊腹中仲淹欲城之度賊必爭密遣

子純佑與蕃將趙明先據其地引兵隨其後諸將初

不知所向行至柔遠始號令之版築畢具旬日城成

今大順城是也賊覺以騎三萬來戰佯北仲淹戒勿

遑已而果有伏大順既成白豹金湯皆截然不敢動  
環慶自此寇益少

張亢傳為并代都鈐轄管麟府

軍馬以州東焦山有石炭穴為築東勝堡下城旁有  
蔬畦為築金城堡州北沙坑有水泉為築安定堡置  
兵守之戰于兔毛川賊大潰不踰月築清塞百勝中  
侯建寧鎮川五堡麟州之路始通

熙寧綏德城

延州熙寧二年置元豐七年正月十九日陝西漕臣  
范純粹言綏德城當寇衝請立軍以七城皆隸焉

在

東北二百  
三十里

建隆二年秦州置伏羌寨熙寧三年以寨爲城

在西

十里熙寧六年河州置定羌城

九城志七年置在州東七十里

元

豐四年通遠軍北一百二十里置定西城

### 元祐定遠城

七年五月甲申熙河蘭岷路進築凡二十四日畢功

經畧使范育等賜詔獎諭

金湯城

延州元符二年以舊寨改

銀川城

崇寧五年以銀川改

定西城

蘭州元豐六年增築閏六月隸通遠軍

平夏城

鎮戎軍紹聖四年以石門城改

德威城

舊清水河政和六年置

安西城

紹聖二年章棨築

定邊城

元符二年三月十四日韓昇築

安邊城

環州崇寧五年置

興平城

元符元年三月十七日環慶築

元豐三年十一月二十一日曾鞏奏秦鳳鄜延涇原環慶并代五路嘉祐城堡一百二十二熙寧一百十二元豐二百七十四熙寧較嘉祐一倍元豐再倍而熙河城堡又三十有一夫將於兵猶奕於棋善奕者置棋雖疎取數必多得其要而已敵雖萬變塗雖百出而形勢足以相援攻守足以相赴所保必其地所應合其變用力少而得筭多

### 紹興築皇城

今大內舊杭州州治也紹興十八年三月十四日名

皇城南北門曰麗正和寧二十八年七月己未增築

皇城東南之外城

修築五百四十一丈計工三十餘萬九月二十二日新城增置便門

詔新南門名嘉會

乾道九年十二月二十一日修禁城

### 紹興山水寨

建炎二年命揚州增修城壁紹興十一年二月十二

日詔王喚兼通泰制置使措置水寨鄉兵建炎四

年六月臣僚言江北諸郡之民往往自爲寨柵羣聚

以守和州則有雙山雞籠二山寨麻胡阿育二水寨

廬州則有浮槎方山等寨滁州則有獨山等寨每寨

多至二萬餘家宜諭以恩意有功者命鎮撫使保奏



推恩從之十一月遣使兩浙點檢寨柵乾道五年九月遣淮西參議許子中措置淮西山水寨民兵

漢鼂錯言邊事曰選常居者家室田作爲高城深塹具藺石布渠荅復爲一城其內城間百五十步要守之處通川之道調立城邑毋下千家爲中周虎落先爲室屋具田器募人居之

文王城朔方以南仲宣王城東方以仲山甫慮以悄悄之勞發以赫赫之名承以翼翼之勤續以明明之功其君臣如此而守衛有其具也古者哲夫以爲城

衆心以爲城禮義廉耻以爲城易曰天險不可升也  
是險也無象無形不兵而不可犯不城而不可踰所  
以持山川丘陵者也昔之人以大師爲垣得道爲助  
在德者險苟得民心雖畫地而守效死者莫肯去不  
然崇城到天巖扉重閉金鋪銅環鐵扇石樞無以結  
民心至於擣叛不若折柳之樊圃也 禦外之道莫  
若設險制勝之方莫若固形重門擊析設險也高屋  
建甍因形也 雅有營謝美名伯也傳稱城沂賢爲  
敖也 城朔方而獯狁之難除禦戎狄之道守備爲  
本不以攻戰爲先 陵嶽嶧峭 豐牆峭趾 以行

義爲阻道德爲塞賢人爲兵則邊境無鹿駭狼顧之  
憂 春秋之法大事書之於策其於土功尤致其謹  
始於隱之城申卒於哀之城邾瑕其事幾三十條  
昔城惡而弗備巫臣以爲譏由于城麋不知高厚子  
西以爲誚子囊之城郢薦艾獵之城沂深嘉屢歎以  
爲善相一國 岬若斷岸矗似長雲

扼夷虜之襟喉據邊障之樞會屈伸指臂開闔風雷  
啓關而敵不敢入下兵而敵不敢當堞雉崢嶸岳立  
雲連鼓輦晝鳴刁斗夜嚴渠答蘭石凡備畢具 隱  
以金椎蒙以石壁巋乎峭巖斷岸之不可攀 峙芻

糧穀甲兵具藺石杜獲奔察相翔謹號戒 王公設  
險以守國孔子書於習坎之彖城郭溝池以爲固孔  
子所以答言偃之問

體天之險等威以叙因地之宜溝封以固猶慮有欲  
不相保聚弧矢取睽門拆取豫俾居無甌而害有禦  
廼量弘綱廼審薄厚 先壞而防先變而懼毋生

戒心棄成恃陋

古者天子守在四夷故城成周而君子小之雖然清  
風至而城郭不修入其國者有以觀政矣 石城湯  
池著於神農之教固圉重澗載乎春秋之訓 敵無

脆有備者勝國無小善守者全樂毅能下齊而不能  
拔莒卽墨之二城佛狸能飲江而不能克盱眙之孤  
壘以習安爲懼以恃陋爲戒墨翟之智子囊之忠  
也正其疆場脩其土田險其走集親其民人明其伍  
侯萬雉鬱起矗如長雲植表作旗萬甬競奮  
實墉實壑深與高稱城有制役有時大都不過  
三國之一邑無百雉之城制也凡土功龍見而戒事  
火見而致用水昏正而栽日至而畢時也周之以  
水樵校聯布之以蘭石渠答

玉海卷第一百七十四

玉海卷第一百七十五

浚儀土應麟伯厚甫

宮室

亭

釋名亭停也人所停集

堯亭

王韶之始興記堯山下有平陵陵上有古大堂基十餘處謂曰堯故亭父老相傳堯南巡登此山故亭卽其行宮

湯亭

左傳商湯有景亳之命注河南鞏縣西南有湯亭或

言亳卽偃師

續漢志注同

水經注尸鄉故湯所都亦曰

湯亭

風俗通國語有寓望謂今亭也

### 召亭

詩召南釋文召地名也在岐山之陽扶風雍縣南有

召亭

名南一四篇

正義春秋時周公召公別於東都受采

存本周召之名晉書地道記云河東郡垣縣有召亭

周則未聞今爲名州是也 左傳注召采地扶風雍

縣東南有召亭 水經注雍水又東逕郃亭南亭故

郃公之萊邑也京相璠曰亭在周城南五十里後漢

郡國志郢縣有郢亭

漢泗水亭

後郡國志沛有泗水亭

沛國秦泗水郡

注亭有高祖碑班固

爲文見固集

高祖爲泗上亭長

豐有枌榆亭注案前志注枌

榆社在縣東北十五里戴延之西征記縣西北有漢

祖廟爲亭長所處

高紀師古注引泗水亭碑

班固作碑

銘并十八侯銘

秦法十里一亭十亭一鄉國語有寓室卽今之亭也

括地志泗水

亭在徐州沛縣東一百步有高祖廟

文選注酈善

長水經注曰泗水南有泗水亭漢高祖廟前有碑延

熹十年立



漢萬歲亭

見萬歲宮 三齊畧記曲城齊城東有萬歲木水北  
有萬歲亭 李固傳夏門亭長注洛陽北面西頭門  
外有萬壽亭

漢千秋亭

見卽位壇

漢雒陽亭

見先虞壇 漢官典職洛陽二十四街街一亭十二  
城門門一亭

漢洛陽都亭

又見邯鄲類

漢綱傳漢安元年選遣八使徇行風俗皆著儒知名  
多歷顯位唯綱年少官次最微餘人受命之部而綱  
獨埋其車輪於洛陽都亭曰豺狼當路安問狐狸

漢洛陽宣德亭

五行志陽嘉二年六月雒陽宣德亭地折李固對策

云云

周禮司市注思次若今市亭也介次市亭之屬別小  
者也 遺人注宿可止宿若今亭有室疏案漢法十  
里有亭 蜡氏注有地之官有部界之吏今時鄉亭  
是也

晉新亭

王導傳過江人士暇日出新亭飲宴 丹陽記新亭

吳舊亭也隆安中丹陽尹司馬恢移創今地

京師三亭太元

中謝石創征虜亭  
三吳播紳創冶亭

宋孝武卽位于新亭元嘉末四

月壬申改爲中興亭 陳太建七年閏九月丁未幸

樂游苑采甘露宴羣臣於苑龍舟山立北露亭

晉蘭亭

書目蘭亭詩一卷晉永和九年上巳右將軍王羲之  
會羣賢于會稽山陰之蘭亭一十一人詩各二篇一  
十五人詩各一篇羲之爲序孫綽爲後序 水經注

湖口有亭號曰蘭亭亦曰蘭上里

梁北顧亭

見樓類

唐九曲亭 臨渭亭

舊紀景龍三年九月壬戌幸九曲亭宴侍臣學士四年三月甲寅幸臨渭亭脩禊飲

唐含象亭 又見開元十八學士圖

翰林盛事開元中拜張說等十八人爲學士於東都上陽宮含象亭圖寫御贊述之 翰林志開元中張說等十七人寫真含象亭御製贊

唐鴻臚亭

會要天寶三載三月敕兩省五品以下於鴻臚亭祖  
餞朝集使永泰元年正月宰臣王縉等奏大臣入朝  
百僚朝罷於中書行相見之禮宴餞準故事集於鴻  
臚亭從之安祿山傳天寶三載詔二省御史中丞  
餞鴻臚亭

唐振旅亭

舊紀天寶八載五月辛巳會要十一  
八日於開遠門外作振  
旅亭以待兵廻

唐沉香子亭

李白傳元宗坐沉香子亭使白爲樂章

李漢傳

宗時爲左拾遺

長慶四年九月丁未

舶賈獻沉香亭材帝受之

漢諫日以沉香爲亭何異瑤臺瓊室乎

柳公權傳

爲翰林書詔學士文宗夜召對子亭燭窮而語未盡宮人以蠟液濡紙繼之

唐望春亭

公主傳

嘉誠

莊懿

公主正元元年下嫁德宗幸望春

亭臨餞

長安志

南北望春亭在禁苑東南高原之

上

唐會慶亭

會宴正元三年三月造會慶亭于麟德殿舊紀云於十三年三

子造十二年十二月度支郎中蘇弁奉敕改造三殿

前會慶亭實錄元和十四年九月戊戌御會慶亭

宴田弘正及宰相以下賜物有差

唐曲江亭

**會要**兼舊紀正元四年九月癸丑重陽節賜百僚宴

曲江亭帝賦詩六韻賜之六年二月戊辰朔百官以

中和節宴曲江亭上賦詩七韻錫之八年二月庚戌

朔宰相宴於曲江亭十四年三月上巳賜羣臣宴曲

江亭十七年二月癸巳朔賜羣臣宴曲江亭上賦中

和節賜宴曲江詩六韻賜之。三月乙丑賜羣臣宴曲江亭九月戊辰羣臣宴曲江上賦九日賜宴曲江亭詩六韻賜之。元和二年三月辛卯賜羣臣宴曲江亭。長慶二年九月戊申宴百僚曲江亭。大和八年三月甲寅上巳賜羣臣宴曲江亭。開成三年十月慶成節賜百官宴曲江亭。

唐太液亭

**實錄** 大和四年七月文宗於太液亭召翰林學士鄭覃已下對賜錦綵。又見尚書圖

**崔鉉傳** 爲淮南節

度使帝餞太液亭賜詩寵之。大中九年八月元稹詩網索



西臨太液池。注網索在太液上。學士候對於此。

唐彩霞亭

見紫雲樓。

祥符靈液亭 延慶亭 宣澤亭

祥符元年六月庚寅朔泰山建醴泉亭名曰靈液。十月壬子幸。十二月庚子。丁謂爲碑。二年八月庚戌。泰山再出醴泉。建亭曰瑞濟。三年十月庚戌。名寶鼎縣。行宮後亭曰延慶。四年二月戊午。召近臣登之。南望仙掌。北瞰龍門。二十六日丙戌。次華州。頓賜酺宴于行宮南垣之望仙亭。賜亭名曰宣澤。

祥符瑞雲亭

又見祥瑞類

元年六月乙未天書再降于泰山之靈液亭十月己酉五色雲起嶽頂上與近臣登後亭望之名亭曰瑞雲。

祥符翠芳亭

九年二月二十七日詔近臣觀書後苑移幸流杯殿登象瀛山翠芳亭天禧四年十月二十九日玉宸殿翠芳亭觀稻賜燕景祐中橙實命近臣觀皇祐三年九月辛未講讀以翠芳亭橙實賜講筵官各一枚又有瑤津亭華景亭皆在後苑。

淳熙羣玉亭

祕省有芝香亭。淳熙四年二月更名羣玉。

中書舍人范成大書

嘉定元年三月少監汪達改建易名曰堂。

國史志西京內園有長春殿淑景亭

歷代亭名

後漢

萬壽

後魏

五石

代

隋

飛花 散菊 迎風 落花 回廊 圓珠

方玉 積翠 飛香 回流 芝田 蘭臯

露華 長塘 芳洲 翠阜 芳林 飛華

留春 澂秋 洛浦 翠葩 逍遙 翠微

閨風 彩霞 臨月 飛芳 合璧 含暉

凝碧 紫巖 澄景 尚陽

會慶 放鴨 彩霞 沉香 坡曠 柳園

鸞壇 真興 神臯 七架 青門 桃園

臨涓 永泰 南北 昌國 琉璃 曜掌

九洲 芳樹 金谷

六朝

征虜 勞勞 觀稼 聞風 甘露 醴泉

臨芳 清露 臨淵 景風

齋

燕居之室曰齋

晉讀書齋

王孚安成記太和中陳郡殷府君引水入城穿池殷仲堪又於池北立小屋讀書百姓呼曰讀書齋

梁高齋

襄沔記金城內刺史院有高齋梁昭明太子於此齋  
造文選簡文爲晉安王鎮襄陽日引劉孝威等於此齋  
綜覈詩集凡十人資給豐厚時號高齋學士 兩史  
庾肩吾傳在雍州劉孝威等十人抄撰衆籍豐其果  
饌號爲高齋學士

紹興損齋

見前

淳熙善樂齋

八年皇孫英國公自以善樂名齋親書扁

歷代齋名

隋

文猷

文徵

珠露

曉風

回雪

含涼

唐

山齋

六朝

高齋梁

宅

說文宅所託居之義釋名宅擇也棟擇吉處而營

之

堯表門閭

六韜文韜盈虛篇帝堯王天下民有孝慈者愛敬之  
盡力農桑者慰勉之旌別淑德表其門閭書畢命  
旌別淑慝表厥宅里彰善癉惡植之風聲  
呂氏春  
秋魏文侯過段干木之閭而軾之

舜宅

戴延之西征記蒲坂城外有舜宅

宋永初山川記

蒲坂城中有舜廟城外有舜宅及二妃壇

夫子宅

萬曆十六年

上海卷百七

監生孫維衡



水經注夫子故宅大一頃所居之堂後世以爲廟漢高祖十三年過魯以太牢祀孔子廟屋三間夫子牀前有石硯一枚甚朴云平生時物魯人藏孔子所乘車於廟中是顏路所請者也魏黃初二年令郡國修起孔子舊廟置百戶吏卒廟有夫子像列二碑一碑卷立侍漢魏以來廟列七碑二碑無字

### 齊晏子宅

晏子春秋齊景公使更晏子之宅曰子之宅近市湫隘踣塵不可居請更宅曰臣之先臣居此宅焉臣不足以及之

將更於豫章之圃

括地志晏子故宅後

人名曰清節里

齊威王養士稷門之下自淳于髡以下七十餘人高  
者爲列大夫爲開第康莊之衢高門大屋尊寵之

漢高祖宅

述征記豐水西九十里有漢高祖宅 漢舊儀高皇

帝家在豐中陽里爲沛泗上亭長及爲天子立沛廟  
祠豐故宅

漢北第 東第 甲第

高紀五年五月詔曰法以有功勞行田宅 云云 十二

年三月詔爲列侯食邑者賜大第室吏二千石受小

第室注孟康曰有甲乙次第故曰第 列傳夏侯嬰

惠帝德之賜北第第一注近北闕之第

西京賦北闕甲第當道直

啓

司馬相如檄位爲通侯居列東第注師古曰東

第甲宅也居帝城之東故曰東第 霍去病武帝爲

治第令視之 蘇武始元六年賜宅一區 韋賢地

節三年以老病乞骸骨賜金百斤加賜第一區元成

詩曰旣耆致位惟懿惟眞厥賜祁祁百金洎館 胡

建射甲舍門注師古曰甲舍卽甲第公主之宅 霍

光宣帝賜甲第一區 張放賜甲第 欒大賜列侯

甲第 景況建武五年賜甲第 郭伋爲太中大夫

建武二十二年賜宅一區及帷帳 鮑永賜洛陽商

里宅辭不受

洛陽記上商里在洛陽東北本殷人所居

劉昆賜洛陽第

舍 第五倫元和二年賜宅一區 魏文爲張遼起

第舍 晉賜王祥鄭冲賀循第一區

### 漢尚冠里舍

宣紀時會朝請舍長安尚冠里元平元年秋七月遣  
宗正德至曾孫尚冠里舍洗沐賜御府衣太僕以軫  
轅車奉迎曾孫就齋宗正府注師古曰尚冠長安中  
里名 黃圖長安間里百六十有宣明建陽昌陰尚  
冠修成黃棘北煥南平大昌戚里

漢幸孔子宅 唐幸孔子宅

宗紀永平十五年三月幸孔子宅祠仲尼及七十

二弟子親御講堂命皇太子諸生說經注孔子宅在

兗州曲阜縣闕里中背洙面泗夔相圃之東北也初魯

恭王壞孔子舊宅以廣宮室聞金石絲竹之聲乃不敢壞於壁中得古文經傳 唐元宗紀

開元十三年十一月甲申通監庚申舊紀景申幸孔子宅遣使

以太牢祭其墓給復近墓五戶詔曰思闕里之風想雩壇之誅 括

地志孔子舊宅在兗州曲阜西南三里有闕里中有

宅宅中有廟

漢南陽舊宅 祠舊宅

紀光武建武三年冬十月壬申幸春陵祠園廟因

酒舊宅大會故人父老

東觀記光武在秦豐幸舊宅

十七年十月

甲申幸章陵

建武中更名春陵爲章陵

修園廟祠舊宅觀田廬置

酒作樂賞賜宗室諸母因酺悅相與語曰文叔少時謙信與人不款曲惟直柔耳今乃能如此帝聞之大笑曰吾理天下亦欲以柔道行之乃悉爲春陵宮室

起祠堂注光武舊宅在今隨州棗陽縣東南宅二里

有白水焉卽張衡所謂龍飛白水也

荆州記義陽安昌有光武宅地

白 明帝永平三年冬十月甲子從皇太后幸章陵

觀舊廬

陰后紀永平三年冬帝從太后幸章陵置酒舊宅會陰鄧故人諸家子孫並受賞賜

年閏四月南巡狩幸南陽日北至又祠舊宅禮畢饗  
校官弟子作雅樂奏鹿鳴帝自御塏箎和之以娛嘉  
賓 章帝元和元年九月辛丑幸章陵祠舊宅八年  
八月南巡狩祠舊宅園廟見宗室故人 和帝永元  
十五年十月戊申幸章陵祠舊宅會宗室于舊廬勞  
賜作樂 威帝延熹七年十月庚申幸章陵祠舊宅  
遂有事于園廟 南都賦曜朱光於白水會九世之  
飛榮察茲都之神偉啓天心而寤靈園廬舊宅崇隆  
崔嵬御房穆以華麗連閣煥其相徽聖皇之所逍遙  
靈祇之所保綏章靈鬱以青葱神廟肅以微微頌曰

皇祖止焉光武起焉據彼河洛統四海焉本支百代  
位天子焉永代克孝懷桑梓焉真人南巡覩舊里焉  
南都在南光武舊里以置都焉成  
帝時議欲廢之故張衡作是賦以諷

### 漢精舍

列傳包咸於東海立精舍講授 劉淑立精舍講授

諸生常數百人 檀敷立精舍教授數百人 李充  
立精舍講授

### 漢諸葛亮宅

文選出師表三顧臣於草廬之中注漢晉春秋曰亮  
家于南陽之鄧縣荊州圖副曰鄧城舊縣西南一里



隔沔有諸葛亮宅是漢昭烈三顧處 水經沔水東

逕隆中注歷孔明舊宅北劉季和鎮襄陽命李安作宅銘云天子命我于沔之陽聽鼓鞞而未思庶先哲之遺光後六十餘年末平五年習鑿齒又爲宅銘

荊州記襄陽西北十許里名爲隆中有孔明宅

郡國志長沙南寺賈誼宅 國史志果州相如縣有

司馬相如故宅 成都記成都縣百步有揚雄宅今

草玄亭餘迹尚存 抱朴子葛廬佐光武有大功受

爵立宅舍於博望里 魏志衛臻遜位賜宅一區

荀彧家傳既定冀州爲公起大第於鄴 魏奏事爵

雖列侯食邑不滿萬戶不得作第其舍在里中皆不稱宅

唐賜甲第

列傳河間王孝恭平公祚賜甲第一區謂人曰所居頗壯麗非吾心也 裴寂高祖賜田千頃甲第一區

魏證太宗輟小殿之材爲建第 馬周求勝地爲

創第市宅詔有司給直 狄仁傑武后賜第一區

杜暹開元十四年賜甲第一區廢馬一匹 姚崇元

宗欲自近詔徙寓四方館 郭子儀宅居親仁里四分之一中通末巷賜良田美器各園甲館 李泌代

宗賜光福里第 孔述膚爲諫議德宗賜第宅 李

晟殄大盜詔賜第末崇里涇陽上田延平門之林園

晟入第京兆供帳教坊鼓吹迎導詔將相送之 渾

瑊賜大寧里甲第將相送歸第 張茂昭正元二十

年十月賜甲第 李光顏賜開化里第 孔緯賜善

和里第 符璘賜靖恭里第一區藍田田四十頃

郭縱尚德陽郡主詔爲主營第長興里

房元齡傳帝幸芙蓉園觀風俗元齡敕子弟汎掃廷

唐曰乘輿且臨幸果幸其第因載還官 崔鄆傳居

光德里建便齋宣宗題曰德星堂

唐祠舊宅

高宗紀顯慶五年二月甲午祠舊宅麟德元年八月

己卯幸舊第

一本云丁丑幸舊第宴群臣

舊紀高宗龍朔元年

天宮寺是高祖潛龍時舊宅九月甲辰上周歷殿宇

感愴久之睿宗景雲二年八月七月云乙卯詔以興聖

寺是高祖舊宅有枯柿復生赦天下地理志京兆

府高陵西四十里有龍躍宮本高祖舊宅高祖置爲

宮武功南十八里臨渭水有慶善宮武德元年高祖

以舊第置宮會要太宗正觀六年蘇世長奏曰臣

嘗在武功見陛下宅宇纔蔽風雨初學記太宗嘗

通舊宅賦詩曰新豐停翠輦譙邑駉鳴笳一朝辭此  
去四海遂成家

唐隱士宅

田游巖傳高宗營奉天宮游巖舊宅直宮左詔不聽  
毀天子自書榜其門曰隱士田游巖宅 通監永隆  
元年二月戊午幸嵩山處士田游巖所居

太宗正觀十二年幸洛陽高年甄權宅權年一百三  
歲拜朝散大夫賜几杖

唐五王子宅 十王宅

寧王憲傳初睿宗五子列第東都積善坊號五王子

宅及賜第上都隆慶坊亦號五王子宅先天後盡以隆慶舊邸爲興慶宮開元後皇子幼多居禁中既長詔附苑城爲大宮分院而處號十王宅

在安國寺東

所謂

慶忠棟鄂榮光儀潁永壽延盛濟等以十舉全數也

十三年三月甲午封十三王

會要十王謂慶忠棟

鄂榮光儀潁永濟

後盛壽陳豐常涼六王又就封

入內宅是爲十六宅

杜棕傳宣宗世夔王以下五王處大明

宮內院而鄆王居十六宅

舊史先天後興慶是龍

潛舊邸因以爲宮寧申岐薛王賜宅邸第相望環於

宮側諸王每日於側門朝見

通監上卽位附苑城

爲十王宅以居皇子宦官押之就夾城參起居自是

不復出閣雖開府置官屬及領蕃鎮惟侍讀時入授  
書官屬但歲時通名起居宣宗大中二年上欲作五  
王院於大明宮以處王子之幼者 會要諸王府在  
宜平坊東南寶曆三年六月賜延康坊宅俾諸府合  
而共局庶寮會而異處 世祖推恩長安列六子之  
舍明皇廣愛華清建百孫之居

張垆尚主卽禁中置內宅 岐陽公主下嫁杜棕開  
第昌化里

### 建隆潛龍宅

建隆元年二月宋州以歸德軍旌節來詔置於潛龍

宅

建隆賜宅

建隆二年三月乙巳賜樞副趙普宅一區開寶中詔  
有司建第將以賜郭進悉用甌瓦興國三年正月宅  
成賜之建隆三年慕容延釗石守信賜宅開寶三  
年王審琦賜甲第留京師興國四年正月癸巳賜簽  
樞石熙載宅一區五年三月庚辰賜文明殿學士程  
羽浚儀縣泰寧坊宅一區八年十二月庚戌賜參政  
呂蒙正麗景門宅簽樞張齊賢宜秋門宅咸平五年  
九月种放至乙卯賜昭慶坊第一區加帷帳什物銀



命五百兩錢三十萬中謝日賜食學士院祥符元年十一月賜樞使陳堯叟宅五年閏十月賜王欽若安遠坊宅皇祐五年二月賜狄青崇教坊宅治平四年九月賜韓琦宅紹興十五年賜秦檜第命駕親臨二十一年張俊太師制曰比敕乘輿往臨居第因觀風而幸事擬元齡思避講之談禮加朱祐淳熙中少傅侍讀史浩賜第

開寶禮賢宅

開寶九年三月丁巳詔於朱雀門外馳道之左建大第甲於螿下既成名曰禮賢宅以待錢俶己未俶入

朝即令居焉

二月二十日幸三十日又幸九月二十七日再幸

興國五年四

月丙子賜之祥符八年四月錢惟演上表納所居宇

以處諸王

五月癸巳賜惟演第于昭化坊

逆予有刑視

彼揚州順予有封視此錢侯

祥符二年十二月癸卯令江州修唐白居易舊第以

廬山有居易書堂江州有舊宅畫像猶存故命葺之

景祐睦親宅

慶曆廣親宅

元祐親賢

宅

元符懿親宅

宣和蕃衍宅

見宗戚類

元符二年四月八日崇寧元年三月十

七日幸懿親宅宣和元年三月七日幸蕃衍宅

祥符八年七月庚戌諸王各賜第于外分置諸宮都監之職

熙寧賜芳林園宅

四年九月二日詔賜濮王子通州防禦使宗隱芳林園宅一區六年十月二十五日賜彰武留後承選芳林園宅

紹興睦親宅

三年十一月甲辰詔南班宗室新第仍以睦親宅爲名

語車服表之章也宅章之次也注有章服者之

舍 韓詩外傳諸侯有德錫朱戶 文選注諸侯朱

戶故曰朱耶

狼望未平寇軍辭宅馬池猶隔雍丘遙耶 晏嬰漱

溢齊景營其爽塏孫歷無家晉武爲之築館 齊招

賢士宅於康莊之衢漢寵列侯賜之甲乙之第 漢

錫五倫魏寵衛臻 梁元帝謝賜第宅云 稽以尺籍令以鼙鼓

斲者如風築者如雨次者雲舒慢者波卷餼廩稱事

忘勞競勸 方湖匯澤章蕩泝集 我材孔良我工

惟時 般僮僕人獻巧林立 繫百圍而置楹度千

康熙二十六年刊

三才圖會卷之三  
二五  
二乃今五  
仍以架棟

宮室制度

易曰上古穴居而野處後世聖人易之以宮室上棟下宇以待風雨

舜巖廊

見門類

廊一作郎

周夏屋

士冠禮設洗直于東榮注榮屋翼也周制自鄉大夫以下其室爲夏屋疏其室兩下而四周之鄭注檀弓

曰夏屋今之門廡也兩下爲之亦舉漢制况之也

**燕禮**設洗當東霤注人君爲殿屋也

案考工記

匠人

注四阿若今之四注屋

疏云四霤也

殷人始爲四注屋則

夏后氏之屋南北兩下而已周制天子諸侯得爲殿屋四注卿大夫以下但爲夏屋兩下四注則南北東西皆有霤兩下則唯南北有霤而東西有榮是以燕禮言東霤而大夫士禮則言東榮也

霤說文曰屋水流也又曰屋招

之兩頭起者爲榮

月令疏古者窟居開其上取明

兩因霤之後人尸室爲中霤開編者象中霤之取明

也

上林賦高廊四注注廊謂堂下四周屋也

詩夏屋渠渠注夏大也

漢西精

上林賦青龍蚴蟉於東箱象輿婉僊於西清靈囿燕於閒館僇佺之倫暴於南榮注師古曰西清者西箱清靜之處郭璞曰榮屋南檐也甘泉賦覽穆流於高光兮溶方皇於西清注服虔曰高光宮名師古曰西清西箱清閑之處周昌傳吕后側耳於箱聽注師古曰正寢之東西室皆曰箱言似箱篋之形晁錯傳趨避東箱虞詡傳張防趨就東箱注埤蒼云箱序也東京賦下彫輦於東廂注爾雅東西廂謂之序魯靈光殿賦西廂注西序也觀禮注東箱東夾之前相翔待事之處

漢銅池 璇題 璧璫 藻井

宣紀神爵元年詔金芝九莖產于函德殿銅池中注  
如淳曰銅池承雷也師古曰以銅爲之 甘泉賦珍

館閒館璇題玉英蝓蛸蠖濩之中注應劭曰題頭也  
椽椽之頭皆以玉飾言其英華相燭 上林賦華椽

璽璫輦道纚屬注師古曰椽椽也華謂彫畫之璧璫

以玉爲椽頭之當卽所謂璇題玉題一曰以玉飾瓦

之當 西都賦雕玉瑱以居楹裁金璧以飾璫注彫

刻玉璜以居楹柱瑱與璜通徒年切 韋昭曰裁金爲璧

以當椽頭 西京賦蒂倒茄於藻井披紅葩之狎獵



飾華椽與璧璫流景曜之韡曄彫楹玉碣繡栴雲楣  
三階重軒鏤檻文楹注藻井當棟中交木方爲之如  
井幹也藻水草之有文者風俗通曰今殿作天井井  
東井之象菱水中之物皆所以厭火碣磧也栴斗也  
王褒甘泉頌曰采雲氣以爲楣

魯靈光殿賦齊五

璫與璧英芝栴欖羅

注山節方小木爲之掌眉梁之上

圓淵方井反

植荷蕖雲綵藻栳龍栴雕鏤

包咸曰梁上楹畫爲藻文

景福殿

賦列髹彤之繡栴垂琬琰之文璫爰有禁楸勒分翼  
張承以陽馬接以負方繚以藻井編以絳䟽繁飾系  
巧不可勝書金楹齊列玉鳥承跋青瑣銀鋪是爲闈

闥注楹附陽馬之短楸也陽馬四阿長桁也馬融梁  
將軍西第賦曰騰極受檐陽馬承阿青瑣銀鋪爲闥  
闥之飾鋪以銀爲鋪首也長門賦曰擠玉戶而撼金  
鋪蜀都賦金鋪交映玉題相暉張景陽七命陰

蚪負檐陽馬承阿

楚辭曰仰觀  
刻栢書龍蚪

方疏含秀圓井吐葩

曹子建七啓彤軒紫柱文棟華梁綺井含葩金墀

玉箱

甘泉賦  
柱之飛棟

宋志殿屋爲員淵方井兼植荷

華

### 漢殿檻

朱雲傳攀殿檻檻折及後雷治殿檻上日勿易因而

輯之以旗直臣 西京賦三階重軒鏤檻文櫨注櫨

闌也皆刻畫又以大板廣四五尺加漆澤焉重置中

間闌上名曰軒甘泉頌曰編璫瑁之文櫨 上林賦

步欄周流

注今步廊也

宛虹拖於楯軒

漢丹墀

梅福傳願壹登文石之陛涉赤墀之塗當戶牖之法  
坐注應劭曰赤墀以丹淹泥塗殿上師古曰戶牖之  
間謂之屐法坐正坐也聽朝之處猶言法宮法駕也  
西京賦右平左城青瑣丹墀注城限也謂階齒也  
天子殿高九尺階九齒各有九級其側階各中分左

右左有齒右則滂沍平之令輦車得上漢宮典

丹漆地故稱丹墀

賦又曰金所玉階形庭輝輝

西都賦左城右

平重軒三階注七畧曰王者宮中必左城而右平摯

虞決疑要注曰凡太極乃有陛堂則有階無陛平者

以文搏相亞次也城者爲陛級也

賦又曰昭陽特盛隆於孝成屋不呈

材竊不露形元墀鈕砌玉階形庭碾碾絳級琳珉青瑩

班婕妤賦俯視兮丹

墀思君兮履綦注丹墀赤地也七啓金墀玉廂注

劉梁七舉曰丹墀縹壁紫柱紅梁漢武故事上起

神屋鑄銅爲柱黃金塗之赤玉爲階唐有龍墀

士冠禮阼階注阼酢也陳階所以答酬賓客也每階

有東西兩廉

聘禮饗鼎設于西階當內廉

疏匠人云天子之堂九

尺賈馬以爲階九等

賈誼曰陛九級上廉遠地則堂高

考工記夏

后氏世室九階注南面三階餘三面各二疏賈馬諸

家皆以爲九等階鄭不從者夏卑宮室當一尺之堂

爲九等階於義不可故爲旁九階也明堂位中階阼

階西階故知南面三階也大射禮云北階記云側階

東階此四面有階明堂位三公中階之前諸侯之

位阼階之東諸伯之國西階之西正義南面三階故

稱中阼階近正位也書舞干羽于兩階注賓主階

闈也史記堯舜土階三等

漢浮思

明堂位魯大廟之飾山節

謂構虛刻為山形

藻梲

謂休齋也畫為藻文

復廟

上下重屋

重檐

重承壁村也

刮楹

以密石舉柱

達鄉

每室四戶八窓牖戶

通反

兩君相見反爵之也築土為之在兩楹間近南人君飲酒既獻反爵於上

出尊

尊在兩楹間

崇玷康圭

為高玷受賓之圭舉於其上

疏屏注

屏謂之植今浮思也刻之為雲氣蟲獸如今闕上為

之矣正義疏刻也漢時謂屏為浮思天子外屏匠人

注云城隅謂角浮思也漢時東闕浮思災浮思小樓

也城隅闕上皆有之然則屏上亦為屋以覆屏牆或

解屏則闕也古詩云雙闕百餘尺則闕於兩旁不得

當道與屏別也 文紀七年六月癸酉未央宮東闕

罍罍災注師古曰罍罍謂連闕曲閣也以覆重刻垣

墉之處其形罍罍然一日屏也

渭陵延陵園門亦有罍罍

哀紀元壽元年九月孝元廟殿門銅龜蛇鋪首鳴注

師古曰門之鋪首所以銜環 楚辭網戶朱綴刻方

連 東方朔有殿上柏柱賦 說文扁從戶冊

春秋作者三作丘甲作三軍作僖公主新作亦三新

作南門新延廡新作雉門及兩觀 左傳清廟茅屋

以茅飾屋昭其儉也 周晝括柱茅茨爲民愛費 董生

書曰禮天子之宮在清廟左涼室右明堂後路寢四  
室者足以避寒暑而不高大也 仲長統昌言曰今

為宮室者崇臺數十層長階十百仞延袤臨浮雲上  
樹九丈旗珠玉翡翠以為飾連帷為城結帳為宮起  
臺榭則高數百丈壁帶珠玉土被緹錦 **藝文類聚**

楚辭曰像設居室靜閑安高堂邃宇檻層軒層臺累  
榭臨高山網戶朱綴刻方連冬有突夏夏室寒經堂  
入奧朱塵筵 朱塵筵  
席也 砥室翠翹挂曲瓊弱阿拂壁羅

疇張翠帷翠疇飾高堂紅壁沙板元玉梁仰觀刻楠  
畫龍蛇坐堂伏檻臨曲池芙蓉始發雜芰荷紫莖屏



風文綠波

玉海卷第一百七十五